

MOSEBETSI OA BOEVANGELI

Lenaneo-Thuto

Notes

—

KAROLO EA #1:

- I. Selelekela.
- II. Kutloisiso e Batsi, e tletseng ea Evangelii.

KAROLO EA #2:

- III. Evangelii e kenyeletsa: Molaetsa o Molemo (LENTSOE).

KAROLO EA #3:

- IV. Evangelii e kenyeletsa: Morumuoa/Mophatlalatsi oa Molaetsa o Molemo
- V. (MOFUTA OA BOPHELO).

KAROLO EA #4:

- VI. Evangelii e kenyeletsa: Mekhoa ea Bophatlalatsi ba Evangelii (MATLA).

KAROLO EA #5:

Lintlha tsa tlatsetso tse qetellang:

- A1. Mekhoa e Ts'eletseng ea ho Bolela Evangelii.
- A2. Linnete tse Khuts'oane tse 25 tsa Histori ea Pholoho
- A3. Mohlala oa Bopaki ba Botho
- A4. Mohlala oa Pampits'ana ea bopaki.
- A5. Ho arabela lipotso le Boits'ireletso malebana le Pholoho.
- A6. Boevangelii ka Boporofeta bo Phethahetseng.

TLAHLOBO.

MOSEBETSI OA BOEVANGELI

Notes

Lenaneo la Mosebetsi oa Boevangeli: Tlhahlobo

Lipotso tsa Limaraka tse 20

- 1) Hlalosa lintlha tse peli tse hlahang e le likarolo tsa mofuta oa karabelo molaetseng o molemo, o be o bonts'e hore na karolo ka ngoe e bonts'a "ho shoa ha bo-uenana" joang. (pp. 12,13).
- 2) Hlalosa likarolo tse 'ne tsa mekhoa/mefuta ea bophelo tse susumetsang hore bopaki ba rona bo matlafale (pp. 19-22).
- 3) Hlalosa likarolo tse tharo tsa bopaki ba botho, o be o hlalose hore na u ka arolela ba bang bopaki joang. (pp. 24-26).

Lipotso tsa Limaraka tse 10

- 1) Fana ka tlhaloso e akaretsang ea histori ea lentsoe "Evangelii, e leng molaetsa o molemo" (p. 6).
- 2) Sebelisa Baroma 10:13-15 ho bonts'a bohlokoa ba ho phatlalatsa Molaetsa o Molemo (p. 15).
- 3) Hlalosa hore na u etsa neheletsano ea bopaki le Molaetsa joang, o kenyeletse potso e ka sebelisoang ho etsa neheletsano (p. 33).
- 4) Bolela lintlha tse 'ne tsa bohlokoa ho bonts'a bohlokoa ba ts'alo morao balumeling ba bacha. (p. 38).
- 5) Ka serapa se le seng, akaretsa lintlha tsa mofuta oa "Pale" oa ho bolela Molaetsa o Molemo. (p. 46).
- 6) Sebelisa Mangolo a mabeli ho arabela boits'ireletso bona; "Libe tsa ka ha se libe tse kholo" (p. 55).

MOSEBETSI OA BOEVANGELI

I. Selelekela.

Notes

Tlhaloso ea Thuto ena

Thuto ena e reretsoe ho thusa mang kapa mang ea nang le thahasello ea ho arolelana ka matla ka litaba tsa tumelo ea bona ho Jesu Krete le batho bao e song ho be balateli ba Krete. Ho tla shebanoa haholo le boevangeli ba mofuta oa setsoalle kapa bopaki bo etsahalang ka nako eo ho phomotsoeng. Ho hakanyoa hore hangata ho feta ha nyane, boevangeli bo tla etsahala mathokong a tikeloho ea kereke, **libakeng** tseo batho ba sa lumelang ba phelang, ba sebetsng ba bileng ba fumanehang hangata ho tsona.

Maikutlo a Sengoli:

Martin Luther, Mothehi oa Maprosentanta, o hlalosa Boevangeli e le, “Mokopa-kopa o bolellang mokopa-kopa o mong moo bohobe bo fumanehang.” Re mekopa-kopa, ‘me Jesu Krete ke bohobe.

Papiso ena e re hopotsa ka moo re lokelang ho ikokobetsa ka teng ha re ntse re etsa Mosebetsi oa Boevangeli. Bohle re hloka Jesu le lerato la Molimo ka ho ts’oana kaha batho lefats’eng lohle re lekana, ebile re ts’oana. Ha re bolokeng mohopolo ‘ona likelellong tsa rona ha re ntse re tsoa lets’olo ho fihlella batho ba sa tsebeng ka Krete.

Ntlha ea Puisano

Boevangeli ke e ngoe ea lits’iea tsa ntlha tsa kereke. E haha kereke kahoo e lokela kamehla e hokahangoe le kereke. Kereke e lokela e be sebaka seo kamehla, se tsoalang le ho amohela “Bakreste ba bacha.”

Buisanang ka mathata ana a amanang le boevangeli:

- Hangata boevangeli bo etsoa ka mekhoha e sa hokahaneng le likereke kahoo, balumeli ba bacha ha ba hokahangoe le likereke tsa lehae.
- Ba bangata ba lahlehetsoe ke pono le sepheo sa bona: sepheo ke ho fihlella ba lahlehileng le ho hlomella kereke ho fihlella ba lahlehileng.
- Likereke tse ngata li shebana haholo le lintho tse kahar’a kereke, ‘me likereke ha li sa tsotella litlhoko tsa Bakreste ba bacha kapa balumeli ba e song ho hole.

MOSEBETSI OA BOEVANGELI

Notes

Ntlha ea Puisano

Ho shomaela le ho ruta ka mokhoa o evangelang polopiting, kapa ho bua le lihlopha tsa batho ke mefuta e matla ea Boevangeli. Leha ho le joalo, mefuta ena ha e ea tloaeleha bakeng sa Mokreste ka mong.

Ebile 'nete ke hore, palo e kholo ea Bakreste (85%) ke palo ea batho ba tlišoang ho Krete ka ts'usumetso le ts'oetso ea motsoalle kapa moamani. Boevangeli ba Mofuta oa Setsoalle/Kamano, ke 'ona o behang litholoang ka ho fetisisa.

Buisanang ka mathata ana a amanang le boevangeli ba Mofuta oa Setsoalle/kamano:

- Batho ba bangata ba hlokanang Krete, ha ba kene kereke, kahoo mesebetsi e mengata ea boevangeli ka kereke ha e behe litholoana haholo.
- Mesebetsi e mengata ea ho evangela e amahangoa le baruti feela, 'me ha e kenyeletse kereke ka kakaretso, kahoo litholoana li ea fokola.
- Ha chebo e le "mofuteng oa boevangeli oa Motho ho Motho" feela, hoo ho baka hore batho ba ikutloe ba sa lokoloha malebana le mosebetsi oa boevangeli.
- Karolo e kholo ea kereke ha e utloe ena le neo e matla kapa e hlomeletsoe ho lekana bakeng sa ho evangela. Kahoo batho ba bangata ha ba nke karolo e kholo boevangeling.
- Batho ba bangata ba ikutloa ba phathahane haholo, kapa mesebetsi ea bona e le mengata hoo e sa ba lumelleng ho nka karolo boevangeling.

MOSEBETSI OA BOEVANGELI

Ntlha ea Puisano

Notes —

Melaong ea tlholeho (Ts'enolo e akaretsang), re ka ba le kutloisiso ea seo batho bohle ba se tsebang ka Molimo. Ka tsela e ts'oanang, ka Molao o ngotsoeng oa Molimo (Ts'enolo e Khethehileng), re ka ba le kutloisiso ea seo batho bohle ba se hlokang malebana le Molimo.

Buang ka lintlha tse lateng malebana le Ts'enolo e Akaretsang le Ts'enolo e Khethehileng:

Ts'enolo e Akaretsang

Ke eng seo batho bohle ba se tsebang? (Ka Molao ea Tlholeho)

1. Batho ba tseba 'nete, empa ba hatella 'nete (Lipes. 19:1-4, Bar1:18).
2. Batho ba tseba Molimo matsoalong a bona, empa ba ea Monena (Bar1:19).
3. Batho ba tseba boleng ba Molimo bo phahameng le matla a hae hobane tsena li bonoa le ho utloisiseha ka tlholeho le popo ea lintho tsohle. Kahoo batho ha ba na boits'ireletso ba hore ha ba tsebe Molimo. (Bar 1:20).
4. Batho ba ea tseba ha ba khumamela lintho li sele (boetsalibe), hobane ha ba tlotlise kapa ho leboga Molimo. Bar 1:21-23).
5. Batho ba tseba Molimo e le 'Mopi le Moahloli (Bar 1:25,32).

Ts'enolo e Khethehileng

Ke eng seo batho bohle ba se hlokang? (Ka Molao o Ngotsoeng oa Molimo)

1. Batho ba hloka 'nete ea Jesu Krete (Johanne 14:6).
2. Batho ba hloka hore matsoalo a bona a silafetseng a hloekisoe ke Krete (Baheberu10:22).
3. Batho ba hloka ho bona le ho utloisisa boleng bo halalelang ba Molimo le matla a hae a senotsoeng ho Jesu Krete (Baheberu1:1-3).
4. Batho ba hloka ho lokolloa bokhumameling ba bohata 'me ba khumamele Jesu Krete feela. (Bak. 3:1-5).
5. Batho ba hloka ho amohela Jesu Krete e le Mopholosi le Morena (2 Petr 3:14-18).

MOSEBETSI OA BOEVANGELI

Notes

II. Kutloisiso e Batsi, e tletseng ea Evangelii.

A. Histori ea “Evangelii, e leng Molaetsa o Molemo.”

1. Lentsoe “Evangelii” le bolela Molaetsa o Molemo oa pholoho e fumanoang ka ho tsebana le Jesu Krete.
2. Evangelii, sethathong, e ne e le lentsoe le sebelisoang bosoleng/bohlabaning Testamenteng ea Khale.
 - a. E ne e le lentsoe le sebelisoang ho hlalosa morumuoa/molaetsua ea neng a romelo a ho sechaba sa habo ho tsoa mabaleng a ntoa e pel’a mabopo, ho bolella sechaba maemo a ntoa.
 - b. “Litaba/Molaetsa o Molemo” oa tlhelo ntoeng, o ne o amahangoa le pholoso khahlanong le ts’enyole le tahlehelo, kapa ho phemisoa lefu matsong a sera.
 - c. Molaetsua o ne a matha motse le motse ho phatlalatsa litaba tse monate tsa tlhelo. Hape, o ne a bolella sechaba hore Khosi e hlotseng e se tla fihla ho keteka le sechaba kaha sera se hlotsoe.
3. Bakreste ba ile ba nka kutloisiso ena, ‘me ba e sebelisa ho hlalosa mosebetsi oa pholoho oa Jesu Krete.
 - a. Molaetsua/morumuoa oa Evangelii, e ne e sebelisoa ho hlalosa batho ba neng ba phatlalatsa Molaetsa o Molemo oa Krete.
 - b. Boevangelii ke ketso kapa ketsahalo e amahangoang le ho etsa hore litaba tse Molemo li tsejoe ke batho ba bang.

MOSEBETSI OA BOEVANGELI


B. Moapostola Paulosi o bonts'a Evangeli e le likarolo tse tharo tse lekanang(I Bathes 1:5).

Notes —

Maikutlo a Sengoli:

Sets'oants'o se ka tlaase, ke senotlolo se tla thusana bakeng sa ho utloisisa thuto ena. Se bonts'a Evangeli e le likarolo tse tharo. Karolo e latelang sets'oants'o sena, e reretsoe ho sebetsana ka botlalo le karolo ka ngoe e sets'oants'ong.

Evangeli e na le likarolo tse tharo(I Bathes 1:5):



MOSEBETSI OA BOEVANGELI

Notes

1. Karolo ea pele ke **Lentsoe**.
 - a. Paulosi o re, "Hobane Evangeli ea rona ha e ea tla ka lipolelo feela." (I Thes. 1:5a) (ha e ea tla ka lipolelo feela, empa leha ho le joalo e ntse e tlike ka lipolelo.)
 - b. LENTSOE le amahangoa le ho arolela batho ka lentsoe le buuoeng ka Molaetsa oa Evangeli. (bala I Bakr. 15:4).
 - c. Re tla bonts'a Molaetsa oa Evangeli e le lintlha tse hlano hamorao thutong ena.
2. Karolo ea Bobeli ke **MOFUTA OA BOPHLEO**.
 - a. Paulosi o re, "Joalokaha le tseba seo re bileng sona ha heno, ka baka la lona." (I Bathes. 1:5c)
 - 1) Sehlopha sa borumuoa sa Paulosi, se ne se na le sepheo se le seng sa ho phela har'a Bathesalonika. Ke hore ba tle ba fumane le ho amohela Evangeli.
 - 2) Evangeli e ne bonoa maphelong a barumuoa ba tlleng ho tla arolela sechaba seo.
 - b. Paulosi o ne a fetotsoe ke evangeli (Ke Krete), hoo bophelo ba hae bo ileng ba fetoha ponts'o le mohlala oa evangeli ka bo-eona.
3. Karolo ea Boraro ke **MATLA**.
 - a. Paulosi o re "...empa e tlike le ka matla a Moea o Halalelang le ka kholiso e kholo." (I Bathes. 1:5b)
 - 1) Evangeli e na le matla a Molimo.
 - a) Matla a na ke oona a tsositseng Krete bafung.
 - b) Evangeli e na le matla a Molimo bakeng sa pholoho ea meea e lahlehileng. (Bar. 1:15-17).
 - 2) Matla a na a tla ka Moea o Halalelang.
 - a) Matla a Moea o Halalelang a bonahala ka litsela tse fapaneng: ka mehlolo, ha batho ba pholoso, ka lineo tsa Moea, jj.
 - b) Re lokela ho haha le ho ntlafatsa kamano ea rona le Moea o Halalelang, le ho ithuta ho tataisoa ke Eena.

MOSEBETSI OA BOEVANGELI

3) Matla a Moea o Halalelang a tlisa Kholiso e kholo, e tlisang pako.

- a) Ke matla le mosebetsi oa Moea o Halalelang o tlisang batho ho Krete. Ha se mosebetsi oa motho.
- b) Ha ho motho ea ka kholisang e mong hore a bake. Ke Moea o Halalelang feela o kholisang motho ho baka.

Ntlha ea Puisano

Likarolo tsena tse tharo tsa Evangelii li lokela ho sebetsa 'moho ho tlisa batho ho Krete. Leha ha hangata batho ba buoa haholo ka LENTSOE, ba sekisetsoa MOFUTA OA BOPHELO LE MATLA!

- Ke lintho kapa mathata a fe a hlahang ha Evangelii e boleloa feela ho sekisetsoa MOFUTA OA BOPHELO kapa MATLA?

Evangelii

Likarolo

Ts'ebetso 'moho

LENTSOE

-

Phatlalatso ea Molaetsa o Molemo oa Pholoho e fumanoang ho Jesu Krete.

MOFUTA OA BOPHELO

-

Ho lumella maphelo a rona ho ba ponts'o kapa mohlala o phelang oa Evangelii.

MATLA

-

Ho its'etleha ka matla a Moea oa Molimo ho re tataisa, ho its'enola, le ho fetola lipelo tsa ba bang.

EVANGELI

Batho ba tla ho Krete

Notes

MOSEBETSI OA BOEVANGELI

Notes

III. Evangeli e kenyeletsa: Molaetsa (LENTSOE).

A. Molaetsa oa Evangeli o bonolo, o bobebe.

1. Hangata batho ba rata ho thatafatsa evangeli, 'me hona ho etsa hore moelelo oa 'nete oa molaetsa o lahlehe.
2. Mokhoa o tloaelehileng oa puisano ea botho, o lokela ho sebelisoa ho ipapisitsoe le ho arolela ba bang ka Molaetsa oa Evangeli.
 - a. Batho ba angoa le ho susumetsoa ke mekhhoa e meraro ea puisano ea rona:
 - 1) Boleng ba se fetisoang ka puo - 7% (ts'usumetso e tlaase)
 - 2) Molumo oa lentsoe le mokhoa oa phatlalatso - 28%
 - 3) Puo ea 'mele le libopeho tse bonahalang - 65% (ts'usumetso e kholo)
 - b. Ho latela liphuputso tsena, batho ha ba susumetsoe haholo ke seo re se chong ka melomo, empa ba susumetsoa haholo ke mokhoa oo re se chong ka 'ona!
 - 1) Haeba puo ea 'mele ea rona, sebopeho sa rona, kapa mekhhoa ea rona e bonahala e le hlaha, e fapane kapa e sena lerato, molaetsa oa Evangeli o ke ke oa amoheleha hantle.
 - 2) Haeba liketso tsa rona ha li ts'oane le molaetsa, molaetsa o tla hloka matla.
3. Ka nako e ngoe re leka ho etsa batho ba sa lumelang barutuo le pele ba sokoloha. Hona le hona ho fetisa molaetsa o fosahetseng.
 - 1) Batho ba nahana hore Bokreste ke bophethahatsi ba liketsahalo tse itseng, ho ena le ho e bona e le kamano le Krete.
 - 2) Batho ba boetse ba ea nyahama hobane ha ba bone matla a fetolang kapa tlhola e hlokoang ho ba molateli ho fihlela Krete a ba tsoseletsa.

MOSEBETSI OA BOEVANGELI

B. Molaetsa oa Evangeli o kenyeletsa lintlha tse hlano tse bonolo.

Notes —

Maikutlo a Sengoli:

Thuto ea pholoho e kenyeletsa lintlha tse tebileng tsa thuto-Molimo. Re le baetapele ba Bakreste, re lokela ho tseba hona, 'me re be le bokhoni ba ho li ruta.

Leha ho le joalo, re le baboleli ba Molaetsa o Molemo, re lokela ho ruta ka mokhoa o bobebe haholo e le hore batho bohle ba tle ba utloisise molaetsa 'me ba tle ho Krete.

Kahoo, lintlha tsena tse hlano li fanoe e le sesebelisoa ho arolela batho ba bang Evangeli, ka nako e fe kapa e fe.

Bakeng sa boithuto bo tebileng ba Evangeli le 'Muso oa Molimo, sheba mofuta oa thuto oa MOTMOT, Evangelile 'Muso.

Lintlha tse 5 tsa evangeli

- | | |
|---|--|
| 1. Lerato la Molimo - Joha 3:16 | Hobane Molimo o ratile lefats'e ha kaalo, hoo a bile a le neha mor'a oa hae a tsoetsoeng a 'notsi. |
| 2. Bothata ba rona - Bar. 3:23 | Hobane bohle ba sitiloe, ha ba ts'oaneloa ke khanya ea Molimo. |
| 3. Litla-Morao - Bar. 6:23 | Mopotso oa sebe ke lefu. |
| 4. Mpho ea Molimo - Bar. 5:8 | Molimo o bonahalitse lerato la hae ho rona; ka ho re; re sa le baetsalibe, Krete a re shoele. |
| 5. Seo re lokelang ho se etsa - Lik 3:19 | Bakang, 'me le sokolohela ho Molimo libe tsa lona li tle li hlakole. |

MOSEBETSI OA BOEVANGELI

Notes

A. Karabelo Molaetseng oa Evangelii.

Maikutlo Sengoli:

Ha batho ba sa lumelang ba kholisoa ke molaetsa o Molemo, ba sokolohela ho Krete, lintho tse peli li ea qaleha maphelong a bona: Jesu e le Mopholosi, hape Jesu e le Morena. Lintho tsena tse Peli, li kenyeletsa ho shoa “ha bo-rona,” hona ho bolela ho behella thoko le ho shoa litakatsong tsa rona, e be re inhela ka botlalo ho Krete.

1. Pholoho e kenyeletsa likarabelo tse peli (bala Bar. 10:9).
 - a. Jesu ke Mopholosi oa rona (Lik 4:12).
 - 1) Re lokela ho amohela lefu le tsoho ea Jesu e le eona FEELA tsela ea ho fumana bophelo bo sa feleng.
 - a) Ha ho ts'oarelo ea libe, kante ho mali a Morena Jesu.
 - b) Ha ho tumelo-khoela e ngoe, kapa mokhoa o mong oa moea o ka re thusang ho fumana bophelo bo sa feleng.
 - 2) Re lokela ho amohela ketso ea sefapano.
 - a) Jesu o entse mosebetsi oohle o hlokahalang bakeng sa pholoho ea rona.
 - b) Pholoho ke mpho ea mohau ka botlalo, ha se ntho eo re iphumanelang eona ka bo-rona (Bae 2:8,9).
 - b. Jesu ke Morena oa rona (Bar 10:9).
 1. Re sheba ho Jesu bakeng karabelo ea lintho tsohle. Jesu ke Mong'a rona ebile ke Motsamaisi oa maphelo a rona.
 2. Tabatabelo le thahasello ea rona ke ho amohela tataiso e tsoang ho Eena. Re lokela ho ipapisa le ho tsamaea ka thato ea Hae. hona ho kenyeletsa:
 - a) Ho anananela Bibe e le motataisi oa rona bakeng sa ho phetha thato ea Hae.

MOSEBETSI OA BOEVANGELI

- b) Kananelo ea Kereke e le tikoloho ea rona ea kopano.
 - c) Ho amohela sepheo sa Hae bakeng sa maphelo a rona le mosebetsi o fe kapa o fe oo a re nehang oona.
2. Likarabelo tsena tse peli li kenyeletsa ho shoa bo-rona. Ho shoa bo-rona ho hlalisoa ke ho lumella Jesu hore e be Morena le Mopholosi oa maphelo a rona. (Bala Mat 16:24,25).
- a. Jesu, e leng Morena oa rona, ke eena ea akofisang ho shoa ha bo-rona.
 - 1) Re tlameha ho shoa takatsong ea ho tsamaisa maphelo a rona. Re lokela ho behella litokelo tsa rona thoko.
 - 2) Re shalima Jesu bakeng sa lintho tsa kajeno; ke Morena oa rona.
 - b. Jesu e leng Mopholosi oa rona, ke eena ea akofisang ho shoa ha bo-rona..
 - 1) Re tlameha ho shoa takatsong ea ho its'epa bo-rona bakeng sa pholoho.
 - 2) Re tlameha ho sheba Jesu bakeng sa lintho tsa bosafeleng; Ke Mopholosi oa rona.
 - c. Kakaretso ea ho shoa bo-rona.
 - 1) Tsela e ntlehali ea ho hlalosa karabelo ea pholoho molaetseng o Molemo, ke hore: re shoa bo-rona e be re phela bakeng sa Jesu. (Luka 9:23; Mat 16:24,25).
 - 2) Paulosi o akaretsa ntlha ena ka ho hlaka ha a re, “Ke thakhisitsoe le Krete ‘me ha e hlole e le ‘na ea phelang, empa e le Krete a phelang ka ho ‘na (Bagalata 2:20).
 - 3) Molemong oa ho beha litholoana bakeng sa Krete, le ho atisa tholoana ea Moea, re lokela ho shoa bo-rona (Johanne 12:24, 25).
 - 4) Ha re ntse re tsoelapele ho phela le Krete, ho tla ba le likarolo tse ngata tsa bo-rona tseo re lokelang ho li lumella ho shoa. Hona ke ketsahalo e tsoellang-pele, e sa etsahaleng hang. (Baf3:12).

Notes

—

MOSEBETSI OA BOEVANGELI

Notes

IV. Evangelii e kenyeletsa: Morumuoa (MOFUTA OA BOPHELO).

Maikutlo a Sengoli:

Ha se balumeli ba bangata ba bilelitsoeng ho ba Baevangeli. Mohlomong motho a le mong ho ba leshome ke eo ka ho otloloha a nang le neo le pitso ea Boevangeli. Moevangeli o na le neo e khethehileng ea ho tlisa batho ho Krete, ho hlomella Bakreste ba bang ho etsa mosebetsi o motle oa ho evangela, hape le ho khothatsa Bakreste ka kakaretso (Bae. 4:11, 12). Bakreste ba bangata ha ba sebeletse pitsong eena ka kotloloho.

Leha ho le joalo, Bakreste bohle ba bilelitsoe ho ba barumuoa/ balaetsuo ba bakeng sa Krete. (II Tim 1:8a; 4:5). Bohle re laetsoe ho ba lipaki le ho paka tsa Borena ba Jesu maphelong a rona. Re le balaetsuo, re lokela ho arolela ba lahlehileng, ba senang Krete molaetsa o Molemo.

Hona ha ho bolele hore o be Moevangeli ea holimo-limo, empa u lebeletsoe ho se be lihlong ka Molaetsa o Molemo, o be o be le thahasello ea ho paka o le molaetsuo ba bakeng sa Morena. E ka ba ka lipolelo kapa liketso, bophelo ba hau bo bolela Molaetsa o Molemo. Ke ts'epa hore u phela ka tsela e ts'oanelang morumuoa/ molaetsuo oa Evangelii.

A. Balumeli bohle ke baphatlalatsi le barumuoa ba Molaetsa o Molemo. (Lipaki).

1. Re lokela ho phatlalatsa Evangelii (bala Math 10:7; 10:27, 32-33; Math 24:14; Luka 9:60; Liketso 5:20, 42).
2. Re lokela ho fana ka bopaki kapa re pake. (Bala Johanne 4:39; 2Tim 1:8a).
3. Re lokela ho ba lipaki (Bala Lik 1:8; II Tim 4:5).
4. Ha re lokele ho hlajoa ke lihlong, re lokela ho bua (Bala Math 10:32-33; Mar 8:38; Luka 9:26; le 2 Tim 1:8a).

MOSEBETSI OA BOEVANGELI

B. Morumuoa/Molaetsua o lokela ho arolelana ka Evangeli.

1. Ts'etiso e kholo e etsahala ha re sa arolele ba lahlehileng Molaetsa o Molemo.
 - a. Ke batho ba fokolang ba tla tla ho Krete haeba re sa ba bolelle ka Jesu. Ho lokela ho be le motho ea ba bolellang. Morumuoa o lokela ho phatlalatsa Molaetsa oa Evangeli (Bala Bar10:13-15).
 - b. Ho Bakreste ba bangata, hona ho bolela ho arolela ba bang ka litaba tsa tumelo ea bona ho Krete, e seng hakaalo thero e khahlisang. Molimo o tla u sebelisa ka semelo sa hau le neo ea hau.
2. Re tlameha ho hlola ts'abo ea rona kapa ts'etiso ea ho arolela ba lahlehileng Molaetsa o Molemo.
 - a. Ka ho kopa Molimo ho fetola lipelo tsa rona, re ka khona ho hlola ho se tsotelle kapa ho hloka kutloelo-bohloko hohle.
 - b. Ka ho ba le tlhomello e betere ea Boevangeli ba Setsoalle, re ka khona ho hlola ts'abo ea ho fosa malebana le Boevangeli.

Ntlha ea Puisano

Sebelisa sets'oants'o sena sa Baroma 10:13-15 ho bua ka bohlokoa ba ho arolela ba bang ka Molaetsa o Molemo.

Tatellano e ho Baroma. 10:13-15:

Ba sa lumelang ba pholoso (Bar. 10:13), hobane:



Ba bitsa lebitsong la Morena (Bar. 10:13), hobane:



Ba lumela (ho Eena) (Bar. 10:14), hobane:



Ba utloile (Bar. 10:14), hobane:



Molumeli a ba bolelletse (Ka Krete) (Bar. 10:14), hobane:



Molumeli o romiloe (e le mojari oa molaetsa) (Bar. 10:15)

Notes

—

MOSEBETSI OA BOEVANGELI

Notes

C. Ts'ebeliso ea Mokhoa oo e leng oa Rona le Neo ea rona bakeng sa Boevangeli.

Mekhoa e 'maloa ea ho paka:

Moevangeli/Moruti Bill Hybels, bukeng ea hae e bitsoang, Honest to God?, o bonts'a hore molumeli ka mong o na le mokhoa oa hae o khethehileng oa ho pakela ba bang. Ha rea lokela ho etsisa mang kapa mang. Molimo o sebelisa limelo tse fapaneng le mekhoe e fapaneng ea batho:¹

Ho Qholotsa - ho qholotsa batho ka evangeli (Petrose ho Liketso 2:36)

Kelello - ho qholotsa kelello (Paulosi ho Liketso 17:3)

Memo - Ho memela ba bang ho tla mamela Evangeli (Mosali oa Samaria ho Johanne 4)

Bosebeletsi - Ho thusa ba hlokang (Dorcas ho Liketso 9)

Bopaki - ho bolela kamoo Krete a o fetotseng (monn'a sefofu ho Johanne 9)

Kamano - ho arolela batho bao o nang le kamano le bona (Monna ea neng a na le mademona ho Mareka 5:19)

Tlhokomeliso: Re bonts'itse mekhoe e ts'eletseng ea ho paka. Re ka boela ra hlokomela e meng. Ntlha-kholo ke hore re lokela ho utloisisa mokhoa oo e leng oa rona, e be re ea o sebelisa boevangeling. Batho ba bangata ba thabela ho sebelisa mekhoe e fapaneng ea ho evangela (haholo ha o le moevangeli).

1. Mokhoa oa Qholotso.

- a. Motho ea sebelisang mokhoa oa Qholotso o khona ho toba batho ka evangeli ka sebete.
- b. Batho ba nang le mofuta 'ona oa Qholotso, ka kotloloho, ba bitsoa baevangeli.

MOSEBETSI OA BOEVANGELI

2. Mokhoa oa ho Qholotsa kelello le monahano.

- a. Motho ea sebelisang mokhoa 'ona o khona ho etsa ngangisano khahlanong le lithuto tse khelohileng, o bua khahlanong le mahlale a botho, o bua ka science, jj. Ba khona ho bolela evangeli ba ikamahanya le kelello le mokhoa oa ho nahana.
- b. Hona le tlhokahalo e kholo ea mokhoa 'ona oa boevangeli litikolohong tsa lijunifesithi, litikoloho tsa ts'ebetso, le mahareng a batho ba rutehileng.

3. Mokhoa oa Memo.

- a. Motho a sebelisang mokhoa 'ona, ke ea memelang batho ba bang ho ea libakeng tseo ho nang le motho a buang ka Morena.
- b. Mokhoa 'ona o bonts'a hore na ke ha kaakang motho a ka sebelisoang mosebetsing oa boevangeli leha eena a sena neo ea ho bua kapa ho arolela ba bang ka Krete.
 - 1) Hona ho batla motho ea tsotellang batho ba bang, ebile a etsa batho ba bang ho ikutloa ba lokolohile ho ea libokeng tsa Bokreste.
 - 2) Tholoana ea boevangeli, e atisoa ha batho ba mekhoe e fapaneng ba sebetse hammoho, joaloka sehlopha se kenyeletsang mokhoa oa qholotso, memo, kapa bosebeletsi. Boevangeli bo lokela ho ba bosebeletsi le ts'ebetso ea kopanelo!

4. Mokhoa oa Bosebeletsi.

- a. Motho ea sebelisang mokhoa oa bosebeletsing, o khona ho etsa liketso tsa bosebeletsi tse bonts'ang sebopeho sa Krete, kahoo ha a sebelise lipolelo hakaalo ho ba sa lumelang.
- b. Mokhoa oa bosebeletsi le 'ona o tlatsetsa haholo sehlopheng sa bosebeletsi sa boevangeli. Motho ea nang le neo ena a ka sebelisoa ho etsa monyetla o motle o ka lumellang ho boleloa ha evangeli.
- c. Hangata, Molimo o lumella molumeli ho arabela litlhoko tsa ea sa lumelang, 'me bosebeletsi boo hamorao, bo etsa hore ea sa lumelang a batlisisa ka Jesu. Mokreste eo, ke moo a fumanang monyetla oa ho arolela ea sa lumelang Molaetsa o Molemo

Notes

—

MOSEBETSI OA BOEVANGELI

Notes

5. Mokhoa oa Bopaki.

- a. Motho ea sebelisang mokhoa 'ona, o na le bokhoni ba ho arolela batho kamoo Molimo a sebelitseng ka teng bophelong ba hae, 'me hona o ho etsa ka tsela eo a ka qeteletseng a arolela motho e mong ka Molaetsa o Molemo.
- b. Bopaki ba molumeli, ke tsela e matla haholo ea ho fihlella ba sa lumelang.
 - 1) Ha ho motho ea ka hanyetsang boitsebelo ba hau ka Molimo.
 - 2) Bopaki bo etsa hore ba bang ba elelloe hore, le bona, Molimo a ka sebetse maphelong a bona. Maphelo a batho ba bang a ka amana le lipale le maphelo a batho ba bang.
- c. Molumeli e mong le e mong o lokela a be le bokhoni ba ho phetela ba sa lumelang ka bopaki ba maphelo a bona.
 - 1) Thuto ena e tla u hlomella ho arolela ba bang bopaki ba hau ka mokhoa o matla.
 - 2) Ho arolela tsa bopaki ba hau, ke senotlolo mosebetsing oa boevangeli ba Setsoalle.

6. Mokhoa oa Kamano.

- a. Motho ea sebelisang mokhoa oa kamano, o na le bokhoni ba ho atamelana le batho hantle, ebile o sebetse kahar'a selikalikoe sa likamano tsa bona ho ba arolela ka Krete.
- b. Re tla shebana le batho selikalikoeng sa rona sa likamano, bao re ka ba ts'oaetsang ka evangeli.
- c. Mokhoa 'ona oa ho evangela, o fana ka tokollo e kholo ho rona ka ha re sa tlamehe ho pakela batho bao re sa ba tloaelang. Re hloka feela ho fihlella batho bao re nang le likamano le bona.

Ntlha ea Puisano

Kamor'a ho ithuta ka mekhoe e khethihileng ea batho ea ho evangela, na u ipona o le karolo ea sehlopha sa batho ba evangelang?

Nka nako ea ho bua ka mekhoe eo lihlopha tsa boevangeli (tsa batho ba mekhoe le lineo tse fapaneng) li ka fihlellang ba lahlehileng tikolohong ea hau.

MOSEBETSI OA BOEVANGELI

D. Likarolo tse 'Ne tse Susumetsang hore o Pake ka mokhoa o Matla.

Notes —

Maikutlo a Sengoli:

Matla a mophatlalatsi oa Molaetsa o Molemo, a amana ka kotloloho le mofuta oa bophelo. Hona le likarolo tse 'ne tse susumetsang bopaki ba rona ka matla:

Nako	-	Na u thahasella ho qeta nako le batho ba robehileng, ba lahlehileng (Jonase. 1:14)?
Lerato	-	Na u bonts'a lerato la Molimo ho ba bang (Math. 22:37-39)?
Ts'oano	-	Na liketso tsa hau li ts'oana le seo o se bolelang (I Bathes. 1:6)?
Bongoe	-	Na u motho ea khonang ho atameleha; na u bua hantle ka Bakreste ba bang (Johanne. 17:23)?

1. Nako.

- a. Ho qeta nako le ba lahlehileng le batho ba hlokang, ho ba karolo ea bona, kapa ho lula le bona, e bitsoa Mosebetsi oa Boiponahatso.
 - 1) Boiponahatsong ba hae, Molimo o ile a fetoha motho, ka Jesu Krete (Johanne 1:14; Baheberu 1:1).
 - 2) Le leng la mabitso a Jesu ke Imanuele, ho boleloa "Molimo o na le rona" (Esaea 7:14; Math 1:23).
 - 3) Mosebetsing oa Hae, Jesu o ne a lula le ba lahlehileng. O ne a bonoa a na le bona hangata. O ne a qeta nako le ba lahlehileng

Ntlha ea Puisano

Bala o ithute Johanne 4 e le mohlala oa mosebetsi oa boevangeli (moo ho shebanoang le ho qeta nako le ba hlokang Krete). Bua le ho etsa lethathamo la maikutlo a hau ka mofuta 'ona oa bophelo bosebeletsing.

MOSEBETSI OA BOEVANGELI

Notes

- b. U lokela ho ba le thahasello ea ho qeta nako le batho ba lahlehileng, ba pelo li robehileng, haeba u na le mohopolo oa ho ba tlisa ho Krete ka mofuta oa boevangeli ba setsoalle.
 - 1) Ka ho fa batho nako, u etsa hore ba u ts'epe, 'me hoo ho tla etsa hore o khone ho ba fihlella ka lentsoe.
 - 2) Ho rerela batho evangeli, o sa ba fe nako, ho bonts'a boikhomoso, boikakaso le serame.
- c. Ha o phathahane haholo hoo o nang le nako e fokolang ea batho, kapa o se na nako ho hang, u ke ke oa ba le matla boevangeling ba setsoalle ('me hoo ho bonts'a hore tatellano ea lintho e lobokane bophelong ba hau).
 - 1) Bohle re etsa nako bakeng sa ntho e bohlokoa ho rona. Haeba o batla ho etsa ho hong, u tla rata ho fumana nako bakeng sa eona ka tsela e itseng.
 - 2) Ho ba balaoli ba betere ba nako ea rona, ho tla re lokolla bakeng sa mosebetsi oa boevangeli.
- d. Hona le litsela tse ngata tseo o ka li sebelisang ho sebelisa nako ea hau bakeng sa boevangeli ba setsoalle.
 - 1) Tsamaea le motsoalle ho ea 'marakeng ho kopana le batho, ho ba arolela Evangeli.
 - 2) Memela baahisani, metsoalle, kapa litho tsa malapa a ba lahlehileng lapeng la hau.
 - 3) Thusa baahisani ka ts'ebetso e itseng malapeng a bona.
 - 4) Qeta nako e itseng le ba lahlehileng.
 - 5) E ba mosebeletsi oa mang kapa mang ea hlokang. Ba tla u bulehela.
 - 6) Thusa motho ha a tsoa kapa a kena lehaeng la hae.
 - 7) Etella-pele boithuto ba Bibe le ka mokhoa oa boevangeli.
 - 8) Etela batho lichankaneng, lipetlele, matlong a kokelo, jj.
 - 9) Haha likamano le basebetsi-'moho ba sa tsebeng ka Jesu.

MOSEBETSI OA BOEVANGELI

2. Lerato

Notes

Boevangeli bo Matlafatsoa ke Likamano tsa Lerato:

Ha a ne a botsoa hore na molao o moholo ke o fe, Jesu o ile a araba tjena:

“Rata Morena Molimo oa hau ka pelo ea hau eohle, ka moea oa hau oohle, ka mohopolo oa hau oohle, le ka matla a hau oohle. Oona ke molao oa pele o moholo. Oa bobeli, ke oona: rata oa heno joalokaha o ithata. Molao oohle le Baprofeta o thehiloe holima eena e ‘meli.” (Math 22:37-39; Mareka 12:28-34).

- a. Kamano ea rona ea lerato le Molimo, e ea re matlafatsa bakeng sa boevangeli.
 - 1) Re hlatsuo a sebeng, se re thibelang.
 - 2) Kamano e tebileng le Molimo e re tlatsa ka matla le bohlae.
 - 3) Lerato la Molimo le ts’olleloa lipelong tsa rona, le re etsa hore re tlale ka kutloelo-bohloko bakeng sa ba lahlehileng.
 - 4) Moea o Halalelang, o tla re fa ts’enolelo bakeng sa ho evangela ka mokhoa o ka behang litholoana.
 - 5) Re ts’oanetse ho bolella ba bang ka lerato la Molimo.
 - 6) Boteng ba Molimo, bo re boloka re kokobetse re ikemiselitse ho sebelisoa ke eena
- b. Ho bonts’a lerato la Molimo ho ba bang, ke senotlolo sa boevangeli bo matla
 - 1) Molimo o tla re sebelisa ho fihlella baahisani ba rona ba lahlehileng.
 - 2) Bonnete ba Molimo bo bonoa maphelong a rona.
 - 3) Lerato la Molimo le phunyeletsa le ho kholisa lipelo tse sebeng.
 - 4) Ba lahlehileng ba arabela ponts’o ena ea lerato le fanoang ke Molimo.

Ntlha ea Puisano

Na u na le lerato le kutloelo-bohloko bakeng sa batho ba lahlehileng bao o ba tsebang? Haeba ha ho joalo, kopa Molimo ho fetola pelo ea hau, o be o mokope ho u tlatsa ka lerato la hae bakeng sa ba lahlehileng.

Haeba ho na le lerako la ho se ts’oarele le u sitisang ho rata ba bang, nka nako ea ho rapela hore Molimo a lokolle motho kapa ketsahalo eo pelong ea hau.

MOSEBETSI OA BOEVANGELI

Notes

3. Ho Ts'oana.

- a. Boits'oaro ba mophatlalatsi oa evangeli bo ka netefatsa kapa ba hanana le seo a se buang.
 - 1) Haeba re tsoelape ho bonts'a litsela tsa Molimo maphelong a rona, batho ba tla tlosoa ho Molimo ka evangeli eo re e phatlalatsang.
 - 2) Haeba boits'oaro ba rona bo hanana le seo re se buang, batho ba tla re nka re le baikaketsi, ba be ba nahane hore seo re se bua ke leshano. Hangata, ba tla furalla Molimo ka baka la phapang ena.
- b. Haeba maphelo a rona a bonts'a likarolo tse peli kapa tse tharo tsa evangeli, re ke ke ra khona ho fetisa evangeli ka ho feletseng. Re lokela ho phela maphelo a lumellanang le ho ts'oana le sebopeho sa Krete.

Ntlha ea Puisano

Na boits'oaro ba hau bo ts'oana le lipolelo tseo o li buang? Bua ka tse ling tsa litsela tse kholo le tse nyane tseo hangata li hananang le molaetsa oa rona. Ke lintlhana tse kae tse hananang le molaetsa tse senyang molaetsa oa rona

4. Bongoe.

- a. Jesu o ile a ruta ka botebo ka bonngoe e le ntho ea bohlokoa bakeng sa boevangeli.
 - 1) Pele a ts'oaroa a isoa lekhotleng, Jesu o ile a rapella barutuo a le balumeli bohle ka matla. Ka makhetlo a mane, o ba rapelletse hore ba be bongoeng. (Bala Johanne 17:6-26).
 - a) O ile a rapella barutuo a (boetapele), "hore ba be ntho e le ngoe joalokaha 'na le uena re le bang.'" (Johanne 17:11).
 - b) O rapelletse ba tlang ho lumela ka lentsoe la barutuo a/ baetapele, "hore bohle ba be bang" (Johanne 17:21).
 - c) Hape, a rapella "hore ba be ntho e le ngoe joalokaha 'na le uena re le bang.'" (Johanne 17:22).
 - d) Qetellong, o ile a rapella hore, "ba tla ba phethehe bonngoeng" (Johanne 17:23).

MOSEBETSI OA BOEVANGELI

- 2) Jesu o ile hlakisa sepheo sa bongoe ba bona, “e le hore lefats’e le tle le tsebe hore u nthomile” (Johanne 17:21, 23).

Notes

—

b. Bonngoe ke karolo ea mantlha ea bophelo ba mophatlalatsi oa evangeli.

- 1) Bonngoe e kare ke khoele e khopanyang likarolo tse ling joaloka nako, lerato, le ts’oano. E etsa hore li etse kobo e kopaneng, e phethehileng.
- 2) Bonngoe bo fa mophatlalatsi seseblisoa se matla sa ho paka. Molimo o atisa boteng ba matla le ts’usumetso ha Bakreste ba tla ‘moho bonngoeng (Deutro 32:30; Johanne 17:23).
- 3) Ha ba sa lumelang ba bona Bakreste ba le bongoeng, ba hlokomela matla a fetolang a Molimo a le ts’ebetsong maphelong a batho, a hlola lits’ita tse ka hlahang: setso, mekhoha ea batho, lipolotiki, le litumelo tse khelohileng.
- 4) Ha ba sa lumelang ba bona Bakreste ba se bongoeng, ba nahana hore Bakreste ke baikaketsi ebile bona (ba sa lumelang), ha ba hloke Krete.
 - a) Ha ba bone phapang pakeng tsa Bakreste le bona.
 - b) Ba elelloa phapang ea seo Bokreste bo lokelang ho ba sona.
 - c) Ba fumana melaetsa e loants’anang ho tsoa ho Bakreste, e be ba ferekana hore na ba lumeleng.
 - d) Ha ba utloisise khohlano le likhang tsa lithuto ho hang. Ba bona tumellano le lerato li koaheloa ke bohale le khohlano.

MOSEBETSI OA BOEVANGELI

Notes

E. Ho hlophisa bopaki ba hau.

Maikutlo a Sengoli:

Mokreste ka mong o na le bopaki. Ke pale ea boitsebelo le kopano ea hau le Molimo. Bopaki ke e ngoe ea lisebelisoa tse matla tseo o li hlohang bakeng sa ho paka tsa Jesu (le haeba o bile Mokreste ho tloha bonyaneng). Ho nahana le ho hlophisa bopaki ba hau honajoale, ho tla u thusa hore o bo lokile ha monyetla oa ho arolela ba bang ka bona(bopaki) o hlaha.

Bopaki ba hau bo na le likarolo tse tharo:

1. Bophelo ba hau bo ne bo le joang pele o amohela Krete?
 2. U kopane le Krete joang?
 3. Bophelo ba hau bo joang honajoale ha o se o amohetse Krete?
1. Bophelo ba hau bo ne bo le joang pele o amohela Krete?
 - a. Karolo ena ea bopaki e bonts'a tlhoko ea hau bakeng sa Krete. E lokela ho bonts'a maemo a ileng a u lokisetsa ho amohela evangeli.
 - b. 'Nete ke hore, ho tla ba le motho lefats'eng, ea nang le maemo a ts'oanang le ea hau. Kahoo, bopaki ba hau bo tla ba fetola.
 - 1) Hona, ke 'nete le haeba o holile o le Mokreste, 'me o so kene libeng tse kholo.
 - 2) Mona ho tla ba le ba tla batla ho utloa kamoo Molimo a khonang ho sebetse bophelong ba motho ka teng, lilemong tsa pele, kapa le ha o sa ka oa kena libeng tse tebileng ha kaalo.
2. U kopane le Krete joang?
 - a. Arolelana ka lintlha tse khethileng tse bonts'ang mokhoa oo o tlileng ho Krete ka oona.
 - 1) Hona ho tla thusana ho hlakisetsa ba sa lumelang hore na ho bolelang ho ba Mokreste, le hore na hoo ho ka etsahala joang bakeng sa bona.
 - 2) Hona ho ka boetse ha amana le boemo ba bophelo ba motho e mong
 - b. Leka hore o boloke lintlha tsa karolong ena li hlakile li le khuts'oane, e le hore batho ba mametseng ba se lahleheloe ke moelelo le kutloisiso.

MOSEBETSI OA BOEVANGELI

3. Bophelo ba hau bo joang honajoale ha o se o amohetse Krete?

- a. Karolo ena ea bopaki ba hau, e lokela ho bonts'a tsela eo Krete a sebetsang ka eona bophelong ba hau honajoale.
- b. Etsa bonnete ba hore o bolela litaba tsa 'nete.
 - 1) Se bonts'e e ka ha o na mathata ha o le Mokreste.
 - 2) Empa, bolela kamoo Krete a u fang matla ka teng ho shebana le mathata a hau.
 - 3) Ho boetse ho bohlokoa ho arolela batho ka litsela tseo Krete a u tliselitseng katleho, tlholo, ts'epo, thabo, khotsofalo, jj.

Notes —

Litlhaliso tsa mokhoa oa ho arolelana ka bopaki ba hau:

1. Etsa bopaki ka bokhuts'oane (metsotso e 2 kapa ka tlaase), ho seng joalo ba sa lumelang ba ke ke ba mamela.
2. Se sebelise lipolelo tse tloaelehileng tsa kereke e itseng kapa tumelo e itseng (ba sa lumelang ha ba amane le tsona).
3. Qoba lintlha tse sa hloka haleng tse ka lahleng moelelo oa litaba.
4. Se hlalose libe tsa hau tse kholo ka botlalo (ke sona feela seo motho a ka se hopolang).
5. Ba arolele mehopolo ea hau, boikutlo ba hau, ts'abo ea hau jj. (Li ea fetola!).
6. Hlalosa tsela eo Jesu a ammeng bophelo ba hau ka eona (hona ho ka amana le boemo ba motho e mong).
7. Pele o bolela bopaki, bo pheta-phete ho fihlela ho ka ba bobebe ho uena hore o bo bolele ka hlooho feela.

Hlokomela: sheba lintlha tse tlatsetsang karolo ea A3 bakeng sa mohlala oa bopaki.

Mosebetsi:

Ngola bopaki ba hau pampiring e le ho u thusa ho tsepamisa maikutlo a hau le ho ba le bokhoni ba ho bo bolela betere. Bo ka sebelisoa ho etsa pale ea botho/lelapa e ka thusanang ho arolela ba bang evangeli. (sheba Appendix A4 bakeng sa mohlala)

MOSEBETSI OA BOEVANGELI

Notes

Ngola bopaki ba hau

1. Bophelo ba hau bo ne bo le joang pele o amohela Krete?
2. U kopane le Krete joang?
3. Bophelo ba hau bo joang honajoale ha o se o amohetse Krete?

Ntlha ea Puisano

Lumella motho ka mong ho ngola bopaki ba hae. Ha ho khoneha, lumella motho ka motho ho arolela ba bang bopaki ba hae. lumella batho ba bang ho fana ka maikutlo malebana le matla le mefokolo ea bopaki bo bong le bo bong bo fanoeng. Khothaletsa batho bohle hore ba tsoelepele ho ntlafatsa le ho betla bokhoni ba bona ba ho fetisa mapaki a bona.

MOSEBETSI OA BOEVANGELI

V. Evangelii e kenyeletsa: Mefuta ea Evangelii (MATLA).

Notes —

Maikutlo a Sengoli:

Ntlha ena e hlalosa neheletsano e akaretsang boevangeling ba setsoalle. Ha e ea rerehoa ho ba molao kapa setlamo se timang batho boikhethelo, empa ka bobebe, ke mokhoa o tlisang tebello ea litholoana tse babatselang mosebetsing oa boevangeli. Mohato ka mong o tla hlaloso ka botlalo.

Mosebetsi oa Boevangeli ba Setsoalle:

1. Its'etlehe feela ka Moea o Halalelang
2. Hloaea mofuta oa batho bao o ka ratang ho ba fihlella
3. Arolelana ka Bophelo ba Hau
4. Arolelana ka Bopaki ba Hau
5. Arolela ba bang Molaetsa o Molemo
6. Ba memele ho amohela evangeli
7. Hlahloba Boemo:



Boikemisetso
ba ho
Amohela

Ha ho so be le
boikemisetso ba
ho amohela

Ho hana le ho
e qoba



- | | | |
|-----------------------|----------------------|--------------------|
| 8. Rapela le bona | 8. E ba le mamello | 8. Ikokobetse |
| 9. Thaba le bona | 9. Ba hopotse | 9. Qoba khohlano |
| 10. etsa ts'alo-morao | 10. Lula o ba hloela | 10. Lula ka ts'epo |

MOSEBETSI OA BOEVANGELI

Notes

A. Matla a Moea oa Molimo.

Maikutlo a Sengoli:

Mekhoa ea Molimo ea boevangeli, e ipapisitse ka botlalo le Moea o Halalelang. Ke Moea o Halalelang ea re matlafatsang le ho re tlotsa ho bolela Molaetsa o Molemo ho batho ba hlophisitsoeng ke Molimo ho amohela molaetsa oo.

Re lokela ho etsa tsohle tseo re ka li khonang ho hlomelloa bakeng sa boevangeli. Empa, re lokela ho hopola hore boevangeli ha se mosebetsi oa motho, 'me ha ho boqhetseke bo ka sebelisoang bakeng sa litholoana tse babatsehang. Re lokela ho tlala ka Moea o Halalelang le ho ithuta ho mamela tataiso ea Hae, e le hore re tle re tsamaee matleng a Molimo mosebetsing oa boevangeli.

Moea o Halalelang ke eena ea bolaoling ba ts'ebetso. Rona re mpa re le lisebelisoa feela tsa Sepheo sa Molimo. Re lokela ho boloka mohopolo oona likelellong tsa rona.

1. Matla a Moea o Halalelang, ke senotlolo sa ho fihlella ba sa lumelang.

- Moea o etella 'moleli oa evangeli pele ho hlophisa ea lumelang ho amohela molaetsa.
- Moea ke oona o thusang ea sa lumelang ho utloisisa molaetsa (II Bakr. 4:3,4).
- Moea oa Molimo o kholisa batho ka 'nete (Lik 2:37).
- Moea o fetola lipelo tsa batho, 'me o etsa hore batho ba bake, ba be ba sokolohele ho Krete (Luka 15:18).

2. Moea o Halalelang ke senotlolo se bonts'ahatsang Boteng ba Molimo.

- Hangata Moea o etsa meeka ho bonts'a bonnete ba Molimo nakong ea ho evangela.
- Meeka le mehlolo e mengata, hangata li ea etsahala ho ts'ehetsa mosebetsi oa boevangeli, haholo libakeng tse hlohang phunyeletso ea matla a semoea.

MOSEBETSI OA BOEVANGELI

3. Matla a Moea o Halalelang, ke senotlolo ho matlafatsa le ho tataisa molumeli bakeng sa mosebetsi oa boevangeli.

- a. Re tlameha ho tlala ka Moea oa Molimo bakeng sa ho phatlalatsa le ho ba mohlala o phelang oa evangeli (Lik 1:8).
- b. Re tlameha ho ithuta ho tsamaisoa ke Moea o Halalelang ho phethahatsa sepheo sa Molimo (Lik 5:32, I Bak 6:19,20, Luka 4:18.19).
 - 1) Re tla beha litholoana tse batsi ha re hokahana le seo Molimo a se etsang (ho fapana le ha re etsa lintho ka bo-rona feela).
 - 2) Hona ho tla re thusa ho qoba pherekano ea ho fihlella batho bao Molimo a sa ba hlophisang bakeng sa ho amohela molaetsa.
 - 3) Re ka sebelisa nako le matla a rona hantle haholo, haeba re shebane le litsela tse khethehileng.
 - 4) Ho ithuta ho tataisoa ke Moea, ke ketsahalo e ntlafalang boleleng ba nako. E hloka boitokiso, 'me e kenyeletsa kutlo litaeong tse nyane, tse tla fetohela ho ts'epeloeng tse kholo.

Notes

—

B. Mosebetsi ea Boevangeli ba Setsoalle.

1. Its'etlehe ka Moea o Halalelang feela.

Maikutlo a Sengoli:

Ho khothaletsoa hore o nke nako ea ho rapela ka bokhuts'oane bakeng sa lintlha tsena tse 'ne, e le mokhoa oa ho its'etleha ka Moea o Halalelang.

- a. Tloho ka thoko (Lik 13:2).
 - 1) Re lokela ho ipeha ka thoko ho merero ea rona, e be re ikhethela ho sebelisoa ke Molimo bakeng sa ho phethahatsa sepheo sa Hae
 - 2) Hona ke ntho e thata haholo bakeng sa batho ba song ho ithute ho ts'epa Molimo. Re lokela ho tlohela taolo, re siele Molimo sebaka.

MOSEBETSI OA BOEVANGELI

Notes

b. Netefalloa (Lik 16:6, I Bakr. 3:6-9).

- 1) E ba le bonnete ba hore Molimo o rata ho u etellapele.
- 2) O re emetse hore re molumelle ho etellapele maphelo a rona. O tsotella sena haholo, le rona re lokela joalo.

c. Kokobela (Luka 9:23, Johanne 12:22-24).

- 1) Re lokela ho ithobolisa makhoni le boits'epo ba rona. Re tlameha ho lumella Molimo ho re sebelisa.
- 2) Bakela mehopolo ea hau ea boikhohomoso, 'me o ananele boits'etleho ba hau ho Molimo ka botlalo. Labalabela boikokobetso le thobeho.

d. Tlatsoa (Lik 1:8).

- 1) Tlala ka Moea o Halalelang ka ho kopa matlafatso e ncha letsatsi ka leng.
- 2) Kopa Molimo tlolo e khethehileng e amanang le mofuta oa batho bao o batlang ho ba fihlella ka evangeli.
- 3) Elelloa o be o lebele hore Moea o Halalelang a ka u tataisetsa ho motho e mong bakeng sa ho evangela.

Maikutlo a Sengoli:

Kamor'a hore o qete nako le Moea o Halalelang thapelong, tsoellapele letsatsi ka leng o itukiselitse hore Molimo a ka hlahisa monyetla oa ho bolela molaetsa o Molemo. Lebella hore Molimo a ka u etsetsa monyetla. Falimeha!

2. Hloaea batho bao ka ba fihlellang ka evangeli.

- a. Ke baamani, metsoalle, baahisani, basebetsi-'moho, baithuti-'moho, jj, ba fe, bao o nang le kopano le bona ba sa tsebeng Krete.
- b. Ngola mabitso a bona fats'e, 'me o se phetse ho rapella pholoho ea bona.
- c. Kopa Moea o Halalelang tataiso e otlohileng bakeng sa monyetla ea ho evangela.

MOSEBETSI OA BOEVANGELI

Ntlha ea Puisano

Notes —

Itukisetse ho etsa sehlophana kahar'a kereke ea hau se shebaneng le ho sebitsana le boevangeli ba setsoalle. Sehlopha sena se lokela ho kenyeletsa mefuta e fapaneng ea batho, le mekhoha le lineo tse fapaneng tsa ho evangela. Le le sehlopha, rapellang metsoalle, baamani, basebetsi-'moho, jj, bao o batla ho ba fihlella. Kopa Moea o Halalelang ho u fa tataiso e nepahetseng bakeng sa ho ba fihlella. Buang ka tse ling tsa litsela tseo le ka fihlellang batho bao ka tsona.

3. Arolela ba sa lumelang bophelo ba hau.
 - a. Ba arolele nako ea hau (Johanne 1:14).
 - 1) Fumaneha bakeng sa ba sa lumelang.
 - 2) Hlophisa nako esale pele ea ho ba le bona.

Ntlha ea Puisano

Joalokaha molumeli ka mong a na le mokhoa o khethehileng le lineo, ba sa lumelang le bona ha ba ts'oane, kahoo ba tla hloka katamelo e fapaneng.

Bolela hore na batho ba mofuta oona ba ka atameloa joang:

- Litho tsa lelapa
- Metsoalle (Johanne 1:45,46)
- Batho ba bonahalang ba thahasella 'nete ea litaba tsa moea (Lik 16:19-34)
- Batho bao o qalang ho kopana le bona (Johanne 4:7-26)
- Bakereki ba sa tsebaneng le Krete (Lik 8:26-30)

Lintlha tsee li ka ama le ho thusa katamelo ea hau joang:

- U so ntso na le kamano e tebileng
- Ea sa lumelang o pelo e bohloko ka baka la lintho tse fetileng
- Ea sa lumelang o na le tsebo e nyane ka Molimo
- Moea o Halalelang o u susumetsa ka matla ho ea ho motho ea itseng
- U ka har'a boemo bo hlobaetsang

MOSEBETSI OA BOEVANGELI

Notes

b. Mamela ka Hloko (Jakobo 1:14).

- 1) Ba botse lipotso ka bonolo malebana le boikutlo ba bona, lipelaelo tsa bona, mathata a bona. Batho ba bangata ba rata motsoalle oa 'nete.
- 2) E ba motho ea mamelang ka hloko. Ntlafatsa makhoni a hau a ho mamela, 'me o mamele ka hloko.

c. E ba mosebeletsi (Math. 22:37-39).

- 1) Itukisetse ho arabela litlhoko tseo o ka kopanang le tsona.
- 2) Hona ho ka u thusa ho arolelana ka Krete kapa ho bua ka Morena.

Ntlha ea Puisano

U ka khona joang hore ha o ntse o arolela ea sa lumelang bophelo ba hau, o bo so moarolela bopaki ba hau? U qala joang?

Litlhahiso:

- Mamela mathata kapa maikutlo a bona ka hloko, e be uena u arabela ha o botsoa maikutlo a hau kapa o fuoa sebaka sa ho hlahisa maikutlo. Mamelo ke ntho e kholo, e hlokahalang haholo.
 - Fumana sets'oano bophelong ba hau le boemong boo a leng ho bona. Bonts'a kamoo Krete a ileng a u thusa ka teng.
 - Botsa, "Na u ka thabela ha nka u bolella hore na Molimo o sebelitse joang bophelong ba ka ha ke ne ke na le bothata boo?"
4. Bolela bopaki ba hau ka metsotso e 'meli
- a. Ka bokhuts'oane, bolela bopaki ba hau, boo o bo hlophisitseng oa ba oa itukisetsa ho bo bolela.
 - 1) Bophelo ba hau pele o amohela Krete.
 - 2) U tlile joang ho Krete?
 - 3) Bophelo ba hau hajoale ha o na le Krete.

MOSEBETSI OA BOEVANGELI

- b. U ka atolosa lintlha tsa hau haeba nako le boemo li lumela.
- c. Itukisetse ho amahanya bopaki ba hau le bamameli ba fapaneng.

Ntlha ea Puisano

U ka khona joang hore ha o ntse o arolela ea sa lumelang bopaki ba hau, o bo so moarolela evangeli? (Hopola hore bopaki ba hau ha se evangeli, ke tokisetso feela ea hore o arolelane ka evangeli.)

Litlahiso:

- Ela hloko tsela eo motho eo o buang le eena a arabelang ka eona
- Tsamaisoa ke Moea, o nto qala le ho matlafatsa moqoqo
 - botsa, "Na u ka thabela ha nka u phetela hore na ke tlile joang ho Krete, kapa nka u hlalose tsa hore na u ka ba Mokreste joang?"jj.

5. Bolela evangeli.

- a. Bua ka lintlha tsa evangeli tse hlano tseo re ithutileng tsona:

- 1) Lerato la Molimo (Johanne 3:16).
- 2) Bothata ba rona (Bar 3:23).
- 3) Litla-morao (Bar 6:23).
- 4) Mpho ea Molimo (Bar 5:8).
- 5) Seo re lokelang ho se etsa (Lik 3:19).

- b. Ithute lintlha tsena tse hlano ka hlooho le litemana tsa tsona.

- 1) Ha o ituta lintho tsena ka hlooho, u ka lula le ho bua o shebile motho mahlong, ho ena le ho sheba pampiring kapa ho phetla maqephe a Bibe.
- 2) Hona ho ka boela ha thibela maikutlo a fosahetseng a kang a hore u bua ka ntho ea motho e mong, e leng ho ka etsang hore motho ea u mametseng a nahane hore ha o motsotelle.

Notes

MOSEBETSI OA BOEVANGELI

Notes

- 3) Hape hona ho ka u lumella hore o be le bolokolohi, o bue ka mokhoa o tloaelehileng.
 - 4) Hona ho tla u thusa hore o khone ho falimehela le ho arabela boits'oaro ba motho eo o buang le bona.
- c. Sebelisa Bibeletse ka nepo.
- 1) Nka Bibeletse e nyane ea Testamente e Ncha (ho ena le Bibeletse e kholohali).
 - 2) Ts'oaea mangolo a mahlano e le hore o tle o a phetle ka pele.
 - 3) Lumella motho eo a bone temana ka ngoe, leha uena o ntse o moshebile mahlong ha o bua.
 - 4) Bibeletse e nyenyane eo, u ka e siela motho eo haeba u utloa Moea o Halalelang o u lumella ho mofa.
- d. Sebelisa lipampits'ana tseo o iketselitseng tsona ka nepo.
- 1) U ka iketsetsa lipampits'ana tsa hau tsa ho evangela. Hona ho ka ba matla ho feta pampits'ana ea evangeli e akaretsang.
 - 2) Beha sets'oants'o sa hau kapa sa lelapa leqepheng le qalang la pampits'ana eo.
 - 3) Beha bopaki ba hau ka hare ho pampits'ana eo.
 - 4) Beha lintlha tse hlano tsa evangeli le litemana tsa tsona pampiring eo.
 - 5) Siea Pampits'ana eo le motho eo. Le ka boela la e shebisana ha morao. (mohlala o fumaneha appendix A4).

Ntlha ea Puisano

Ha o se o aroletse motho evangeli, na u lokela ho mo memela ho amohela Jesu? HO JOALO! Motho e mong le e mong o lokela ho tseba hore evangeli e hloka khato.

Leha ho le joalo, ho etsa qeto ke boikhetlo ba hae, ha ho tlame.

Bolela a mang a maemo a ka etsahalang kamor'a hore o arolelane ka evangeli, pele o ka memela motho ho nka khato.

MOSEBETSI OA BOEVANGELI

6. Memela motho eo ho amohela Jesu.

- a. Hanela pherekano le kenello ha o ntse o arolela motho evangeli.
 - 1) Tiholeho ea botho, e ka thibela batho ho etsa liqeto. Mang kapa mang, o lokela ho elelloa hore evangeli e hloka motho a nke khato.
 - 2) Sera sa rona sa nama se tla leka ho etsa pherekano le ts'etiso ho thibela motho ho nka khato.
- b. Tsepama.
 - 1) E ba bonolo, empa o tsepame, o tobe.
 - 2) Oona ke motsotso oa bosafeleng, oo motho a ka nang a tloha lefung ho ts'elela bophelong.
- c. Elelloa ntoa ea semoea.
 - 1) Lebella hore makhotla a sera a ntoa a tla leka ho hlasela seo o se etsang.
 - 2) Haeba u na le Bakreste ba bang, ba eme sekheong ka thapelo lipelong tsa bona.

Ntlha ea Puisano

U ka memela motho ho nka khato joang ha o qeta ho moarolela evangeli?

Litlhahiso:

- Botsa:
 - "Na u ka rata ho rapela le 'na honajoale ho amohela Krete?"
 - "Na u ka rata ho amohela Krete hajoale?"
 - "Na u na le likamano le Morena?"
 - "Na hoo ke ntho e ncha bakeng sa hau?"
 - "Na u kile oa utloa taba e tje pele?"

Bolela a mang a maemo a ka etsahalang ha o fana ka memo ea hore motho a amohele evangeli.

Notes

—

MOSEBETSI OA BOEVANGELI

Notes

7. Hlahloba boemo ho latela tataiso ea Moea o Halalelang.

Maikutlo a Sengoli:

Ho ka ba le likarabelo tse ngata tseo batho ba ka bang le tsona hang ha o ba arolela evangeli. Leha ho le joalo, likarabelo tse ngata li oela tlasa likarolo tse tharo:

- Boikemisetso ba ho amohela
- Ha ho boikemisetso ba ho amohela hajoale
- Ho hana kapa ho baleha

Taba-kholo ke hore uena o hlahlobe karabelo ea bona, kaha hoo ho tla u thusa ho tsoelapele ka tsela e sa ts'oaneng o ipapisitse le karabelo eo o e boneng.

likarabelo tse ka bonoang



Boikemisetso ba ho amohela

ho hloka boikemisetso

ho hana le ho baleha



8. Rapela le bona

8. E ba le mamello

8. ikokobetse

9. Keteka le bona

9. Ba hopotse

9. Qoba khohlano

10. Ts'alo-morao

10. Ba hloele

10. Lula ka ts'epo

Tlhokomeliso:

Ha re se re arolelane evangeli, re lokela ho tsoelapele ka tsela e fapaneng re ipapisitse le karabelo ea motho eo re neng re bua le eena. Hajoale re tla shebana le karolo ka ngoe ka botlalo

MOSEBETSI OA BOEVANGELI

Haeba karabelo e le – Boikemisetso ba ho amohela:

Notes —

8. Rapela le bona.
 - a. Hona ke khato e labalabeloang haholo. Ke nako joale ea ho tsoelepele o thuse motho eo ho amohela Morena Jesu.
 - b. Ho bohlokoa hore o thuse motho eo ka ho rapela le eena. Se lebele hore ba tla iphumanela seo ba lokelang ho se etsa ka bo-bona. Ba hloka thuso.
 - 1) Ba etellepele ka thapelo, ka ho rapela ka lentsoe le phahameng, o ba kope ho u sala morao ka mantsoe a thapelo, ho u etsisa ka seo o se buang thapelong.
 - 2) Etsa thapelo e bobebe, ka lipolelo tse khuts'oane.
 - 3) Ha o qeta, botsa "Kreste o kae hajoale?" Mohlomong ba ka re, "Ka hare ho 'na!" kapa "Pelong ea ka!"
 - 4) Hlahlobisisa hore na motho enoa o utloisisa kannete hore o amohetse Kreste.

Mohlala oa Thapelo ea ho amohela Kreste:

Jesu, ke moetsalibe, 'me ke kopa ts'oarelo ea hau. Ke furalla libe tsa ka honajoale. Ke lumela hore o shoeletse libe tsa ka, 'me u na le matla a ho ntlhoekisa, ke kopa o ntlhoekise.

Ke u memela bophelong ba ka hore o be Mopholosi oa ka, 'me o nketellepele bakeng sa bophelo bohle ba ka. Ka Lebitso la Jesu. Amen.

9. Thaba le ho keteka le bona!
 - a. Thaba le Mokreste enoa e mocha! Keteka! 'molelle hore mangeloi a ea keteka leholimong.
 - b. Se potlakele ho bua ka likopano tsa borutuo le se tla etsahala kamor'a moo! Lumella motho enoa ho thabela le ho natefeloa ke motsotso oona, le ho utloisisa e le motsotso a kopaneng le Kreste ka oona

MOSEBETSI OA BOEVANGELI

Notes

10. Ts'alo-morao.

- a. Bua le ho hlophisetsa ts'alo-morao ka bonolo le ka lerato joaloka motho ea qetang ho fumana ngoana ho mohlokomela.
 - 1) Fa motho eo Bibe (E ka ba Testamente ela e Ncha eo o neng o e sebelisa ho mopakela). Ba supise mangolo.
 - 2) Tsebisana ka molumeli eo e mocha ho ba Bakreste ba bang. Ba thuse ho ba le kopano ea Bokreste.
 - 3) Haeba o tseba motho eo hantle, momemele kerekeng ea hau kapa sehlophaneng.
 - 4) Ba khothaletse ho arolela ba bang ka tumelo ea bona. Ikemisetse ho tsamaea le eena ho bolella malapa le metsoalle hore o amohetse Krete.
- b. Thusa molumeli e mocha ho ba karolo ea borutuo.
 - 1) Re bilelitsoe ho etsa borutuo, e seng feela batho ba entseng qeto e be re fella moo! Mosebetsi oa boevangeli, o lokela ho fetela mosebetsing oa borutuo
 - 2) Hona le lisebelisoa tse ngata tsa borutuo bakeng sa ho etsa ts'alo-morao. (thutong ea MOTMOT - Practical Discipleship, Navigator's Eight Part Series, etc.).

Ntlha ea Puisano

Ke monyetla o babatsehang haholo ho etellapele motho ho amohela Krete! Re lokela ho etsa tsohle tseo re ka li khonang ho netefatsa hore ba ea hola, ebile ba amohetsoe kahar'a tikoloho ea Bakreste e tletseng ka tsotello le tlhokomelo. Leha ho le joalo, re lokela ho hlokomela hore ha re etse balumeli ba bacha ho ikutloa e ka ba imeloa kapa ba titimetse bosoleng.

- Bolela a mang a maemo a fapaneng a amanang le ho tlisa motho ho Krete, a kileng a etsahala boitsebelong ba hau.
- Bolela maemo a ka nang a kenyeletsa, le a **ka nang a se** kenyeletse menyetla ea ts'alo-morao.

MOSEBETSI OA BOEVANGELI

Ha karabelo e le – Ho hloka boikemisetso hajoale:

Notes

8. E ba le mamello.
 - a. Hangata, motho a ka amohela evangeli, empa a so be le boikemisetso ba ho amohela Krete ka nako eo. Re lokela ho ba le mamelo ho motho ea joalo.
 - b. Lumella Moea o Halalelang ho qetella mosebetsi ka nako ea Hae. ts'epa hore Molimo o u sebelisitse ho fihlela moo, 'me o ntsa sebetsa lipelong tsa bona.
9. Ba hopotse.
 - a. Ka bonolo, hopotsa motho eo hore puisano ea lona e ne e le kopano e hlophisitsoeng ke Molimo, le hore Molimo o ba biletsa likamanong le eena.
 - b. Sehopotso sena se sebetsa e le lentsoe la seprofeto le qholotsang motho enoa ho tseba hore Molimo oa mobitsa. Hamorao ba ka hetla morao, 'me ba bona motsotso oona e le oa bohlokoa-hlokoa, leha ba ke ke ba arabela ka nako eo ho fihlela ka mor'a nako e itseng.
10. Ba hloele.
 - a. Boloka likamano tsa setsoalle haholo ka moo o ka khonang.
 - 1) Ho bohlokoa ha motho eo a tseba hore kaha a sa amohela Krete, ha o na monena kapa ho mofuralla.
 - 2) Fumaneha nako eohle joaloka motsoalle. Molimo a ka bula lemati hanyane ka hanyane.
 - b. Hahella puisanong ea lona ea evangeli.
 - 1) Molimo o u behile bophelong ba motho enoa. Ikemisetse ke hona ho tsoelapele ka mosebetsi.
 - 2) Ts'epahalla Morena ka ho tsoellapele le ho phethela mosebetsi oona. Lintho tse nyane li etella tse kholo pele!

MOSEBETSI OA BOEVANGELI

Notes

Haeba Karabelo e le – ho hana le ho baleha:

8. Ikokobetse.
 - a. Se hlasele motho ka lipolelo kapa oa itlhahisa o le betere.
 - 1) Moea o hlaha o ka senya bopaki bohle ba hau.
 - 2) Hopola hore le uena o ne o lahlehile o se na Kreste.
 - 3) Nako e ngoe e ka ba hore Moea oa ba kholisa, ke ka hoo ba arabelang ka mokhoa o hlaha.
 - b. Tlala ka mohau le ka bonolo.
 - 1) Lumella Moea o Halalelang ho u tlatša ka kutloelo-bohloko, haholo ho motho ea hlaha ea hanang Kreste.
 - 2) Katamelo ea hau khanong ea bona le bohlaheng ba bona e ka ba ntho e ka batlisang ho Kreste!!!
9. Qoba khohlano.
 - a. Se itumelle hore u qetelle o kene likhanng kapa khohlanong malebana le evangeli, ka mabaka a fe kapa a fe.
 - 1) Se tsoelepele ka ho paka haeba hoo ho qholotsa bohlaho bo u tobang.
 - 2) Lumella Moea o Halalelang ho loana, e seng uena.
 - b. Bonts'a boikoahlaeo ba 'nete bakeng sa khohlano kapa maikutlo a mabe a ka hlahang. E ba se sebelisoa sa khotso le lerato.
10. Lula ka ts'epo.
 - a. Lumela hore Molimo o u sebelisitse boemong bona.
 - 1) Ha se tsohle tseo re bonang Molimo a li etsa semoeeng.
 - 2) Rona re bilelitsoe ho ba le kutlo ea ho arolelana ka evangeli. O entse seo!
 - b. Rapella hore Molimo o tla tlisa ba bang ho tsoelapele ho bolella motho eo evangeli.

MOSEBETSI OA BOEVANGELI

MEHOPOLO EA HO QETELA

Nakong ea likhoeli tse 12 pele ke tla ho Krete, ke ile ka pakeloa ka makhetlo a 8 ke batho ba fapaneng. Molimo o ne a mpitsa empa ke ne ke moloants'a, eena le barumuoa ba hae!

Ke ile ka rohakana, ka ba hlaha makhetlo a mabeli. Ke ile ka ts'eha le ho tlaka motho ea neng a mpakela makhetlo a mabeli. Makhetlong a mane a setseng, ke ile ka baleha motho eo, ka hanana le eena ka lekunutu.

Nakong eo ke neng ke tla ho Krete, ke ne ke le mong. Leha ho le joalo, mantsoe a e mong oa batho bao nkileng ka ba hlapaola, a ile a tsoelapele ho chesa ka pelong ea ka. Ke ile ka tsoelapele ho bona kutloelo-bohloko le ho utloa mantsoe a hae a bonolo a lerato!

Molimo o ile a sebelisa boemo boo ho mponts'a lerato la hae le senang moeli le lipehelo. Kahoo khothala hore Molimo oa u sebelisa ka ho evangela, ho sa tsotellehe hore na u bonang.

Notes

Boevangeli ba Seterateng

Batho ba bitsoang e le baevangeli, ha ba na bothata ba ho pakela batho seterateng. Hona ha ho bonolo ho batho ba se nang neo ea boevangeli. Se ke be oa leka ho sebeletsa kante ho neo ea hau, ntle leha Molimo a ka u kholisa ho etsa joalo!

Litlhahiso tsa boevangeli ba seterateng

- Batho ba babeli ba lokela ho ea 'moho ho paka seterateng
- Ha e mong a ntse a bua, e mong o lokela ho rapela a khutsitse
- Lokoloha o lumelle lipuisano li hlahe ha bobebe haeba ho khoneha
- Bokhoni bo batsi ba ho mamela bo sebetse kamehla
- Tsamaisoa ke Moea o Halalelang, e be u fehla puisano
- Botsa- "Na u ka ntumella ka metsotso ea hau e 'meli ho u arolela ka seo Molimo a se entseng bophelong ba ka?"
- Itukisetse ho arolela motho eo evangeli haeba a bulehile (botsa lipotso)
- Se angoe ke ho nenoa, Molimo o ntsa le ts'ebetsong
- Ho bohlokoa ho ba le pampits'ana e ngotseng taba tsa evangeli kapa Bible ho ba fa
- Batla menyetla e mengata e seng e menyane

MOSEBETSI OA BOEVANGELI

Notes

—

MOSEBETSI OA BOEVANGELI

APPENDIX

Notes —

A1. Mekhoa e Ts'eletseng ea ho bolela Evangelii.

Maikutlo a Sengoli:

Karolo e na e bonts'a mekhoe e meng e ts'eletseng ea ho bolela evangeli, e ka nkoang e le mofuta ea boevangeli. Mekhoe ka mong oa ho bolela evangeli o ts'oana ka hore o bua ka evangeli kapa morero oa pholoho ka Jesu Krete. Tsena kaofela li ea ts'oana kaha molaetsa o mong oa evangeli. Leha ho le joalo, mekhoe ka mong o fapane ka tsela oo hahiloeng ka oona. Hona ho etsoa ke hobane ho na le litsela tse ngata tsa ho bolela ntho e ts'oanang.

Mofuta oa #1: Tsela e eang Roma.

Mofuta oa Tsela e eang Roma

Bothata ba rona	- Baroma 3:23	Bohle ba setiloe, 'me ha ts'oaneloe ke khanya ea Molimo.
Litla-morao	- Baroma 6:23	Mopotso oa sebe ke lefu, empa mpho ea Molimo ke bophelo bo sa feleng ka Jesu Krete
Mpho ea Molimo	- Baroma 5:8	Molimo o bonahalitse lerato la hae ho rona Ka hore: re sa le baetsalibe, Krete a re shoele.
Seo re lokelang ho se etsa	- Baroma 10:9	Ha o bolela ka molomo oa hau; "Jesu ke Morena," o lumela hore Molimo o o motsositse bafung, u tla bolokeha.

MOSEBETSI OA BOEVANGELI

Notes

Mofuta oa #2: Boboleli ba lintlha tse 7 tsa theo.

Ntlha ea #1: Molimo oa u rata (Jahanne 3:16).

Ntlha ea #2: U moetsalibe (Bar 3:23).

Ntlha ea #3: U shoele libeng tsa hau (Bar 6:23).

Ntlha ea #4: Krete o u shoetse (Bar 5:6-8).

Ntlha ea #5: U ka pholoso a ka ho lumela ho Krete (Lik 16:30,31).

Ntlha ea #6: U ka pholoso a oa ba oa ba le bonnete ba pholoho ea hau (1Johanne 5:10-13).

Ntlha ea #7: Ha o le ngoana Molimo, u lokela ho etsa thato ea hae (Lik 5:29).

Mofuta oa #3: Seatla.²

Maikutlo a Sengoli:


Boboleli ba Seatla bo etsoa ka likarolo tse hlano. Likarolo tse tharo tse qalang li hlalosa boemo boo Molimo a leng ho bona. Tse peli tse qetellang li bonts'a hore Molimo o na le tharollo. Mangolo a fapaneng a behiloe moo bakeng sa ntlha ka ngoe. Baithuti ba lokela ho ithuta ho sebelisa a mang a mangolo a na ka tsela e nepahetseng, e tla beha litholoana

(Sheba leqephe le latelang bakeng sa Boboleli ba Seatla.)

MOSEBETSI OA BOEVANGELI

Boboleli ba Seatla

Notes —



MOSEBETSI OA BOEVANGELI

Notes


Mofuta oa #4: Morero oa Pholoho ka likarolo tse 3 (Baheberu 9:24-28).

Ho hlaha ha Jesu	Malebana le Sebe	Temana
Lefats'eng; Bophelo ba Krete...Tsoalo, Lefu, le tsoho.	Ts'enyō le pheliso ea molato le kahlolo ka sehlabelo sa sefapano	Baheb 9:26
Leholimong: Nyolohelo ea Krete	Pheliso ea matla a sebe ka khanya ea Hae.	Baheb 9:24 (1 Johanne 2:1,2)
Leholimong le lefats'eng tse ncha: ho khutla ha Jesu	Pheliso ea boteng ba sebe ka ho hloma 'Muso oa Hae	Baheb 9:28

Mofuta oa #5: Pale.

Molimo oa halalela. O lula thabeng e bitsoang KHALALELO. Motho ke moetsalibe. O lula thabeng e bitsoang SEBE.

Lithaba tsena tse peli li ne li arotsoe ke khohlo e kholo.



Molimo o rometse Mor'a Hae ho kopanya khohlo eo ka lerato la Hae. Lerato lena le ile la fihlella Thaba-Khalalelo le Thaba-Sebe ka nako e ts'eanang.



lerato lena le letle, ebile le leholo hoo le ileng la hana ho tlohela lithaba tsena. Qetellong le ile la shoa (Kreste). Kahoo, hajo e hona le borokho bo kopanyang lithaba tsena tse peli. Borokho bona bo namela lithabeng tseo ho koala sekheo seo se seholo. Lefu la Mor'a motho le file motho monyetla oa ho ba le likamano le Molimo. Borokho bona, bo bitsoang Jesu Krete, ke eona tsela e 'nots'i ho tloha thabeng e ngoe ho ea ho e ngoe.

MOSEBETSI OA BOEVANGELI

Mofuta #6: Mehato ea Khotso le Molimo.³ Mohato

Notes —

1 – Morero oa Molimo: Khotso le Bophelo

Boemo: Molimo oa u rata, ‘me o batla o be le khotso, bophelo ka botlallo ba bona, le bophelo bo sa feleng.

Bibele e re: “Re na le khotso ho Molimo ka Jesu Krete Morena oa rona” (Bar 5:1). “Ke tlike hore li be le bophelo, li bo bone ka ho fetisisa.” (Johanne 10:10b). “Hobane o ratile lefats’e ha kaalo...” (Johanne 3:16).

Phetiso: Hobane batho ba bangata ba se nang khotso le bophelo bo fetisisang?

Mohato 2 – Bothata ba rona: Karohano

Boemo: Molimo o re bopile ka sets’oano le eena hore re be le bophelo bo fetisisang. Ha a re etsa joaloka mechini hore re tle re morate le ho ba le kutlo joalo feela, empa o re file thato le bolokolohi ba ho iketsetsa khetho. Bohle ba khahliloe le ho ikhethela ho se utloe Molimo le ho tsamaea ka tsela tsa bona. Re ntse re etsa khetho ena le kajeno. Hona ho baka karohano pakeng tsa rona le Molimo.

Bibele e re: “Hobane bohle ba sitiloe, ‘me ha ba ts’oaneloe ke khanya ea Molimo.” (Bar 3:23). “Moputso oa sebe ke lefu, empa mpho ea Molimo ke bophelo bo sa feleng ka Krete.” (Bar 6:23).

Phetiso: khetho ea rona e tliša karohano pakeng tsa rona le Molimo.

tlhokomeliso: liteko tsa rona

Boemo: Ka lilemo-lemo, batho ba lekile ho se katleho ho koala sekheo sena (sekheo sa karohano ea Molimo le motho) ka: Mesebetsi, litumelo-khoela, Mahlale, boits’oaro ba botho.

Bibele: “Tsela e ngoe e bonahala e ntse e ka e lokile, athe bofello ba eona bo isa lefung.” (Liprov 14:12).

Phetiso: Tharallo e ngoe feela bakeng sa bothata ba karohano e pakeng tsa motho le Molimo.

Mohato 3 - Tharollo: Sefapano

Boemo: Jesu Krete ke eena feela karabo ea bothata ba rona. O ile a shoa sefapanong, a boela a tsoha lebitleng leo, a etsa tefelo bakeng sa sebe sa rona, ‘me o koetse sekheo se pakeng tsa Molimo le motho.

MOSEBETSI OA BOEVANGELI

Notes

Bibele e re: “Hobane le eena Krete o ne a utloisoe bohloko hang ka baka la libe, eena ea lokileng o bolaetsoe bakhopo, hore a tsebe ho re tlisa ho Molimo...” (I Petr 3:18a).
“Empa Molimo o bonahalitse lerato la hae ho rona ka hore: re sa le baetsalibe, Krete a re shoele.” (Bar 5:8).

Phetiso: Molimo o fane ka tsela e le ngoe, ‘me re lokela ho etsa khetho...

Mohato 4 – Seo re lokelang ho se etsa: Ho amohela Krete

Boemo: Re tlameha ho ts’epa Jesu Krete, ‘me re moamohela ka ho moetsetsa memo maphelong a rona.

Bibele e re: “Bona, ke eme monyako, ‘me ke ea kokota; ekare ha e mong a utloa lentsoe la ka, ‘me a bula monyako, ke tla kena ha hae, ‘me ke tla lalla le eena, le eena le ‘na.” (Ts’enolo 3:20).
“Empa bohle ba le amohetseng, le ba nehile tokelo ea ho bitsoa bana ba Molimo, e leng ba lumelang lebitsong la Hae.” (Johanne 1:12).
“Ekare ha o bolela ka molomo oa hau hobane Jesu ke Morena, ‘me o lumela pelong ea hau hobane Molimo o motsositse bafung, u tla bolokeha.” (Bar 10:9).

Phetiso: Na ha o ka lehlakoreng la sebe (ho arohana le Molimo) kapa lehlakoreng la Molimo (ka borokho bo entsoeng ke Krete)?

Memo – Na u ka rata ho amohela Jesu honajoale?

U amohela Krete joang:

- 1) Ananela tlhoko ea hau (Ke moetsalibe).
- 2) Ikemisetse ho furalla libe tsa hau (Baka).
- 3) Lumela hore Jesu Krete o shoele Sefapanong ka lebaka la hau, ‘me o tsohile lebitleng.
- 4) Ka thapelo ea hau, mema Jesu ho tla le ho tsamaisa bophelo ba hau ka Moea o Halalelang (Moamohela e le Morena le Mopholosi).

Thapelo: Morena Jesu, kea tseba hore ke moetsalibe ‘me ke hloka ts’oarelo ea hau. Ke lumela hore o shoele bakeng sa libe tsa ka. Ke rata ho furalla libe tsa ka. Ke u memela joale hore o kene pelong ea ka. Ke rata ho u ts’epa le ho u latela o le Morena le Mopholosi. Ka lebitso la Jesu. Amen.

Netefatso ea Molimo: Lentsoe la Hae

Haeba o rapetse thapelo ena, hopola hore Bibele e re...

“Mang le mang ea bitsang lebitsong la Morena, o tla bolokeha.” (Bar 10:13).

MOSEBETSI OA BOEVANGELI

A2. Linnete tse 25 tsa histori ea Evangelii.

Notes

- 1) Molimo ke 'Mopi oa bophelo (Gen 1:1; Gen 2:2-4).
- 2) Molimo o entse motho ka sets'oano le eena (Gen 1:26,27; Gen 5:1,2).
- 3) Molimo o batla likamano le motho (Johanne 17:23; Baheberu 10:19-23).
- 4) Sebe se kene lefats'eng ha monna oa pele (Adama) a tlola taeo ea Molimo (Gen 3; Bar 5:12-14).
- 5) Sebe se re arohantse le Molimo (Gen 3:21-24; Bae 2:1-3).
- 6) Sebe se isa lefung le sa feleng (Bar 3:23; Bar 6:23).
- 7) Batho bohle ba jele sebe sa Adama lefa (Bar 5:12; Bar 6:23).
- 8) Kantle ho thuto ea Molimo, bohle re tobane le lefu le sa feleng (Bar 2:9; 2 Bakr 1:9,10).
- 9) Molimo o rometse mora oa Hae ho pholosa batho (Johanne 3:16,17; Luka 19:10).
- 10) Molimo Mora, o ile a fetoha motho hore a tle a ts'oane le rona (Johanne 1:14; Bak 1:22).
- 11) Jesu (Molimo nameng) o ne a se na sebe, a phethehile (2 Bakr 5:21; Bah 4:15).
- 12) Molimo o behile sebe sa lefats'e ho Krete (1 Johanne 2:2; 1 Johanne 4:9,10).
- 13) Jesu o ile a hlokofoa bakeng sa rona (Luka 9:22; Luka 24:46).
- 14) Jesu o ile a bolaoa, a thakhisoa sefapanong (Johanne 19:16-21; Bahe 12:2).
- 15) Jesu o ile a patoa lebitleng (Math 27:60; Mareka 15:46).
- 16) Molimo o tsositse Jesu bafung (Lik 2:24; Lik 5:30).
- 17) Jesu o ile a itlhahisa ho batho ba bangata (Mareka 16:9-14; 1 Bakr 15:3-8).
- 18) Jesu o khutletse leholimong ho ba le Molimo (Bak 3:1; Johanne 20:17).
- 19) Bophelo bo sa feleng ba Molimo, bo fumanaha ka Krete (Johanne 17:1-5; Bar 5:20,21).
- 20) Molimo o file Jesu matla oohle leholimong le lefats'eng (Mat 28:18; Lik 7:49).
- 21) Jesu o tla khutla ho ahlola ba phelang le ba shoeleng. (Bahe 9:27; Lik 10:42).
- 22) Motho e mong le e mong o lokela ho furalla sebe ho fumana bophelo bo sa feleng (Lik 2:38,39; Lik 17:30).
- 23) Motho e mong le e mong o tlameha ho lumela ho Jesu ho fumana bophelo bo sa feleng (1 Johanne 5:10-12; Johanne 17:1-5).
- 24) Ho lumela ho Jesu ho tsoa tumelong (Bar 10:9,10; Bae 2:8-10).
- 25) Jesu o re laela ho bolella batho ba bang ka bophelo bo sa feleng (Math 28:18-20; Mareka 16:15,16).

MOSEBETSI OA BOEVANGELI

Notes

A3. Mohlala oa 1 oa Bopaki (Bolelele-1:25) .

Bophelo ba ka pele ho Krete

Ke qetile lilemo tse ngata ke leka ho ikutloa monate ka ho itlhahisa ke le betere ho batho ba neng ba mpotile. Ho se ikamohela ha ka, ho ile ha nketsa hore ke batle ka matla botumo le maemo a holimo. Ke ne ke batla ke hlahe ke le motho ea atlehileng ho batho bao ke neng ke nahana hore ke ba bohlokoa. Ke ile ka ba le mojaro oa ho sebetsa ka thata sekolong, lipapaling, maemong a lichelete, likamanong le thobalanong.

Ke ne ke ts'oasehile, ke sa khone ho ba seo ke leng sona. Ke ne ke leka ho phela ho fihlela boemo bo itseng. Ke ile ka tlaloa ke pherekano le mahlomola pelong ea ka. Ke ne ke tsamea liphathi tse ngata empa ke ne ke na le sekheo ka hare ho 'na

Mokhoa oo ke bileng Mokreste ka ona

Ke ile ka 'na ka kopana le batho ba fapaneng ba neng ba mpoella ka Jesu, hore a ka ntlisetsa khotso eo ke neng ke e labalabela. Ke ile ka ts'eha eaba ke khaohana le bona, ho fihlela bosiung bo bong, ke ne ke le mong, ke ile ka llela Molimo, ke kopa thuso. Ke ile ka fana ka bophelo ba ka ho Jesu, 'me ka ikutloela tkoloho. Ke ile ka elelloa hore Jesu o ts'oere moelelo oa bophelo.

Bophelo ba ka Kajeno

Kajeno ke phelela Krete. O mpile boikemelo le monate. Ke na le mofumahali e motle le lelapa, le metsoalle e mengata e hantle haholo. Katleho ea ka e ho Krete, e seng mahlong a ba bang. Ke boetse ke bile le monyetla oa ho arolela ba bang ka litaba tsena tse monate. Mohlomong motho ea kang uena.

MOSEBETSI OA BOEVANGELI

A3. Mohlala oa 2 oa Bopaki (Bolelele-2:00).

Notes —

Bophelo ba ka pele Ho Krete

Ke holetse lapeng le neng le kena kereke, ba ne ba fana ka karolo ea 10, 'me ba ruta Sekolong sa Sondaha. Ke ne ke sa utloe tlhoko ea Molimo ho fihlela ke fihla kolong se phahameng. Ke ne ke kene lintho tse ngata joaloka ho bapala lits'oants'iso, 'mino, le tse ling. Ke ne ke etsa tsohle hantle, empa ho ne ho bitsa. Ke ne ke robala lihora tse 'ne feela bosiu bo bong le bo bong. Ke ile ka ts'oaroa ke bothata ba mali, ka baka la ho sebetse ka thata 'me ka laeloa ke lingaka ho hata butle. Boleng ba ka bo ne bo le linthong tse ke neng ke li etsa le tseo ke li fihlelang, kahoo ke ile ka robeha pelo haholo.

Lelapa la heso le lona le ile la qhalana, batsoali ba ka ba ile ba hlalana, e leng ntho e ileng ea re tsetsipanya haholo, kaha e ne se batho ba tloatseng likhang, ebile ba shebahala ba thabile. Ba ile ba leka ho re kholisa hore ha re mohloli oa bothata boo, empa ke ile ka ikutloa ke le molato, ke se na ts'epo, ke utloa ke sa ratehe. Ke ne ke hloka thuso.

Mokhoa oo ke bileng Mokreste ka ona

Ke ile ka llela ho Molimo bakeng sa likarabo, ka bala Bibeletse bakeng sa ho fumana thuso. Motsoalle oa ka o ile a 'memela kopanong ea bacha, batho ba neng ba bua ka litsela tseo Molimo a ba fetotseng ka tsona! Taba ena e ile ea nts'oara haholo, empa ke ile ka ema ho fihlela likhoeli tse 6 li feta ke sa batle ho etsa qeto e tatileng. Empa ka etsa qeto, ka bona hore e fela ke hloka Jesu, kahoo ka mokopa ho ba Morena le Mopholosi oa ka.

Bophelo ba ka hajoale

Qeto eo e bile e ntle ka ho fetisisa bophelong ba ka. Mathata a ka ha ka ba nyamela hang, empa Molimo o ile a phetisa ho ona. Ke ile ka ts'oarela ntate oa ka, ka ntlafatsa likamano tsa ka le lelapa leso, ka fumana boleng bo botle ho Krete. Kaholimo ho tsohle, ke fumane boits'epo le lerato ho Jesu Krete.

A4. Mohlala oa Pampits'ana ea evangeli-Kantle

Evangeli ke Molaetsa o Molemo

Lerato la Molimo: Molimo o entse lefats'e, a etsa motho ka sets'oano le eena. Molimo oa re rata, 'me ke eena mohloli oa lerato. O rata re be le boitsebelo ba boteng ba hae ba lerato maphelong a rona a letsatsi le letsatsi.

Bothata ba rona: Kamano ea rona le Molimo e ile ea robeha ha motho oa pele ea entsoeng ke Molimo, Adama, a etsa hore sebe se kene lefats'eng(ka ho etsa ho hobe pel'a Molimo.

Litla-Morao:Litla-morao tsa sebe ke hore, bohle ba arohaneng le Molimo, ba tla ahloloa le ho tobana le kotlo ea bosafeleng

Mpho ea Molimo: ka baka la lerato le lereko la hae, Molimo o fane ka Mpho e nchafatsang kamano ea rona le eena, 'me o re file bophelo. Molimo o lumeletse Mor'a Hae, Jesu Krete, hore e be motho, 'me a jare molato oa sebe sa rona. O ile a hlokofoa 'me a thakhisoa, empa Molimo o motsositse bafung. Hona ho hlotse matla a sebe se neng se le holim'a rona.

Seo re lokelang ho se etsa:Re ka ba le boitsbelo ba matla a lopollang a evangeli haeba re amohela mpho ea Molimo ka ho sokolohela ho Krete ka tumelo. Bophelo bo sa feleng, bo teng bakeng sa bohle ba furallang libe, ba lumella Jesu ho ba hloekisa, ba lumelle Krete a tle maphelong a bona, a ba tsamaisa. Jesu o tla tsamaisa bohle ba molatelang.

Lumella Krete ka Bophelo ba hau. Molumelle hore a o hloekise. Amohela kamano e nchafatseng le Molimo le bophelo bo sa feleng.

Kreste o fana ka bophelo bo bocha

Lerato la Molimo Hobane Molimo o ratile lefats'e hakaalo, hoo a le 'neileng mor'a Hae a tsoetsoeng a 'nots'i (Johanne 3:16).

Bothata ba rona Bohle ba setiloe, 'me ha ba ts'oaneloe ke khanya ea Molimo (Bar 3:23).

Litla-Morao Moputso oa sebe ke lefu (Bar 6:23).

Mpho ea Molimo Empa Molimo o bonahalitse lerato la hae ka hore; re sa le baetsalibe, Krete a re shoele (Bar 5:8).

Seo re lokelang ho se etsa bakang ke hona 'me le sokolohe, libe tsa lona li tle li hlakoloe(Lik 3:19).

Ha u batla thuso e tsoellang,
Letsetsa: LTI - (757) 490-
5701

Re u tlisetsa
Molaetsa o
Molemo...

Kevin, Carol, and Katherine

A4. Mohlala oa Pampits'ana ea motho ea evangli – Ka hare

KRESTE BOPHELONG BA KEVIN

Bophelo ba ka pele Ho Kreste

Ke qetile lilemo tse ngata ke leka ho ikutloa monate ka ho itlhahisa ke le betere ho batho ba neng ba mpotile. Ho se ikamohela ha ka, ho ile ha nketsa hore ke batle ka matla botumo le maemo a holimo. Ke ne ke batla ke hlahe ke le motho ea atlehileng ho batho bao ke neng ke nahana hore ke ba bohlokoa. Ke ile ka ba le mojaroo oa ho sebetsa ka thata sekolong, lipapaling, maamong a lichelete, likamanong le thobalanong.

Ke ne ke ts'oasehile, ke sa khone ho ba seo ke leng sona. Ke ne ke leka ho phela ho fihlela boemo bo itseng. Ke ile ka tlaloa ke pherekano le mahlomola pelong ea ka. Ke ne ke tsamea liphathi tse ngata empa ke ne ke na le sekheo ka hare ho 'na

Mokhoa oo ke bileng Mokreste ka oona

Ke ile ka 'na ka kopana le batho ba fapaneng ba neng ba mpoella ka Jesu, hore a ka ntlisetsa khotso eo ke neng ke e labalabela. Ke ile ka ts'eha eaba ke khaohana le bona, ho fihlela bosiu bo bong, ke ne ke le mong, ke ile ka llela Molimo, ke kopa thuso. Ke ile ka fana ka bophelo ba ka ho Jesu, 'me ka ikutloela koloho. Ke ile ka elelloa hore Jesu o ts'oere moelelo oa bophelo.

Bophelo ba ka Kajeno

Kajeno ke phelela Kreste. O mpile boikemelo le monate. Ke na le mofumahali e motle le lelapa, le metsoalle e mengata e hantle haholo. Katleho ea ka e ho Kreste, e seng mahlong a ba bang. Ke boetse ke bile le monyetla oa ho arolela ba bang ka litaba tsena tse monate. Mohlomong motho ea kang uena.

KRESTE BOPHELONG BA CAROL

Bophelo ba ka pele Ho Kreste

Ke holetse lapeng le neng le kena kereke, ba ne ba fana ka karolo ea 10, 'me ba ruta Sekolong sa Sondaha. Ke ne ke sa utloe tlhoko ea Molimo ho fihlela ke fihla kolong se phahameng. Ke ne ke kene lintho tse ngata joaloka ho papala lits'oants'iso, 'mino, le tse ling. Ke ne ke etsa tsohle hantle, empa ho ne ho bitsa. Ke ne ke robala lihora tse 'ne feela bosiu bo bong le bo bong. Ke ile ka ts'oaroa ke bothata ba mali, ka baka la ho sebetsa ka thata 'me ka laeloa ke lingaka ho hata butle. Boleng ba ka bo ne bo le linthong tse ke neng ke li etsa le tseo ke li fihlelang, kahoo ke ile ka robeha pelo haholo.

Lelapa la heso le lona le ile la qhalana, batsoali ba ka ba ile ba hlalana, e leng ntho e ileng ea re tsetsipanya haholo, kaha e ne se batho ba tloaetseng likhang, ebile ba shebahala ba thabile. Ba ile ba leka ho re khohisa hore ha re mohloli oa bothata boo, empa ke ile ka ikutloa ke le molato, ke se na ts'epo, ke utloa ke sa ratehe. Ke ne ke hloka thuso.

Mokhoa oo ke bileng Mokreste ka oona

Ke ile ka llela ho Molimo bakeng sa likarabo, ka bala Bible bakeng sa ho fumana thuso. Motsoalle oa ka o ile a 'memela kopanong ea bacha, batho ba neng ba bua ka litsela tseo Molimo a ba fetotseng ka tsona! Taba ena e ile ea nts'oara haholo, empa ke ile ka ema ho fihlela likhoeli tse 6 li feta ke sa batle ho etsa qeto e tatileng. Empa ka etsa qeto, ka bona hore e fela ke hloka Jesu, kahoo ka mokopa ho ba Morena le Mopholosi oa ka.

Bophelo ba ka hajoale

Qeto eo e bile e ntle ka ho fetisisa bophelong ba ka. Mathata a ka ha ka ba nyamela hang, empa Molimo o ile a phetisa ho oona. Ke ile ka ts'oarella ntate oa ka, ka ntlafatsa likamano tsa ka le lelapa leso, ka fumana boleng bo botle ho Kreste. Kaholimo ho tsohle, ke fumane boits'epo le lerato ho Jesu Kreste.

KRESTE BOPHELONG BA KATHERINE

Bophelo Lapeng la Bokreste

Ke le ngoana, ha ke na khona ho u bolella hore na Kreste o fetotse bophelo ba ka joang. Ke tla ikarabella ho Molimo ka botlalo ha ke se ke le moholoanyane. Leha ho joalo, nka u bolella hore hona le ts'ireletseho e matla ka ho 'na kaha ke tseba hore ke holela kahar'a lelapa le sebeletsang Kreste. Kaha batsoali ba ka ba sebeletsa Kreste, ba ea nthata, 'me lelapa leso le ke ke la arohana.

Ke ithuta ka lerato la Molimo, 'me ke bona melao e pheloa ke batsoali ba ka. Ke bona litl'hohonolofatso tse tisoang ke ho phelela Molimo ha batsoali ba ka. Ke ts'epa hore ke tla thusa ba bang ba hlokang ho tseba ka ts'ireletso, ts'epo, le mofutho oa lelapa la Bokreste.

KRESTE BOPHELONG BA HAU

Thapelo ea ho amohela Jesu:

Jesu, ke moetsalibe, ke hloka ts'oarelo ea hau. Ke furalla libe tsa ka honajoale. Ke lumela hore u shoele bakeng sa ka, 'me u na le matla a ho ntlhoekisa, 'me ke kopa o fele o ntlhoekise.

Ke u mema ho kena bophelong ba ka, o be mopholosi oa ka, o ntsamaisa bophelo bohle ba ka. Ka lebitso la Jesu Amen.

~~~~~  
#3g\* qp([

# Mosebetsi Oa Boevangeli

Notes —

## A5. Ho arabela lipotso le boits'ireletso malebana le Pholoho.

### A. Boitokisetso bo tsoellang-pele ba Boevangeli.

1. Tje kaha se re na le lisebelisoa tsa ntlha tsa ho evangela, re boetse ra sheba hore na re ka tsoelapele ho itukisa joang.
2. Tao ea 1Petr 3:15, e re laola ho HO IKEMISSETSA HO SIRELETSA tsa tumelo ea rona. Hona ke tse ling tsa boitokisetso ba ntlha ba boevangeli.

#### Ntlha ea Puisano

Sebelisa tse ling tsa maemo ana ho akofisa puisano le mosebetsi sehlopheng. Kamor'a potso kapa boits'ireletso bo fe kapa bo fe, ho na le litemana tseo o ka li sebelisang ho arabela boemo. Ela-hloko hore na ke joang Temana ka ngoe e sebelisitsoeng ka mokhoa o motle ho arabela potso kapa boits'ireletso. Lumella baithuti ho hlahisa litemana tse ling tse ka sebetsang.

#### Litlhahiso tsa ho Ruta

Kamor'a puisano e khuts'oane e amanang le hore na litemana li ka sebelisoa jaong ho arabela potso kapa boits'ireletso, tichere a ka fetela mosebetsing. Tichere e ka ba eona e hlahisang potso kapa boits'ireletso. Baithuti ba ka nka karolo ka ho qapa likarabelo. Ha a qetile, baithuti ba ka fana ka karabelo.

Hlokomela: Karolo e kholo ea lintlha tsa appendix, li fuoa moithuti e le keketso ea boithuto. Ha se tsohle tse ka rutoang sehlopheng.<sup>4</sup>

### B. Lipotso tsa Pholoho.

1. Sebe ke eng? (Sheba 1Johanne3:10; 1Johanne 5:17; Jn 16:8,9; Bar14:23; le Jak 4:17.)
2. Hobaneng Molimo a lumella bobbe lefets'eng? (Deotr 30:19; Bar 6:14; le Johanne 14:6.)
3. Na ke lokela ho etsa qeto ea ka pepeneneng? (Math 10:32,33; Bar 10:10; Mar 8:38; Luka 12:8; le Johanne 12:42,43.)
4. Ho thoeng ka lintho tse thata, tse kang li ea loants'ana ka Bibe? (Esa 55:8,9; Dan 12:10; 1Bakr 2:14; 2Petr 3:16-18.)

# Mosebetsi Oa Boevangeli

5. Nka tseba joang hore Molimo o teng? (Bar 1:19; Lip 8:3; le Lip 33:6.)
6. Hobaneng ke hloka mali a Jesu? (Levitike 17:11; Math 26:28; Bah 9:22; Bar 5:9,10; Petr 1:18,19.)

Notes

—

## C. Boits'ireletso malebana le Pholoho.

1. Ha ke batle ho etsa qeto honajoale (Josh 24:15; 1Marena 18:21; Liprov 27:1; Esa 55:6; Math 24:44; Luka 12:19,20; Lik 22:16; 2Cor 6:2).
2. Nako e se e ile haholo bakeng sa ho re nka fetoha honajoale (Esek 33:19; Math 20:16; Johann 6:37; Bar 10:13).
3. Ke lekile ho ba Mokreste, empa ha nka ba ka khona (Dan 3:17; Bar 4:21; 2Tim 1:12; Bah 7:25; Juda 24). Hopola ho beha ts'epo ho Krete le bokhoni ba hae feela.
4. Hona le liphiri tse ngata (Deotr 29:29; Johan 13:7; Lik 1:7; 1Bak 13:12).
5. Ha ke hloke Mopholosi (Johan 3:18,36; Bar 3:23; Bar 6:23; Bah 2:3).
6. Molimo ke lerato. A ke ke a re ahlola (Math 22:13; Luka 13:3; 2Petr 2:4).
7. Hona le baikaketsi ba bangata kahar'a kereke (Job 8:13; Math 7:1; Bar 14:12; 1Petr 4:8).
8. Theko e boima haholo. Theko e phahame haholo (Lip 116:12; Mar 8:36; Luka 18:29,30; 1Petr 2:24).
9. Ha ke rate ho lahlehelo ke metsoalle ea ka (Eks 23:2; Liprov 13:20; 1Bakr 15:33; 2Bakr 6:14).
10. Ke tla hlorisoa (Math 5:11,12; 2Tim 3:12; Ts'en 2:10).
11. Ha ke batle ho emisa litloaelo tsa ka tsa sebe (Luka 13:3; Bag 6:8; Ts'en 21:8; Johan 8:36; Baf 4:13; Bah 7:25).
12. Libe tsa ka ha se tse kholo. Ke tse nyenyane feela (Esa 48:22; Esa 59:2; Johan 8:34; Bar 6:23; 1Bak 6:9).

# Mosebetsi Oa Boevangeli

Notes

## A6. Boevangeli ka Boprofeta bo Phethahetseng.

### A. Mesia o se a tlile.

1. E ngoe ea litsela tsa Bible tsa ho evangela, ke ho phatlalatsa Molaetsa ka Boprofeta bo seng bo phethahetse.
  - a. Boevangeli ho batho ba Bajuda, bo tlameha ho shebana le katamelo ena haholo.
  - b. Leha ho le joalo, e ntse ka fihlela mefuta e meng ea batho.
2. Hobaneng Boprofeta bo le matla boevangeling
  - a. Boprofeta bo seng bo phethahetse, bo netefatsa bongoe ba Bible ebile bo phahamisa bonnete ba eona le bonnete ba Molaetsa.
  - b. Boprofeta bo seng bo phethahetse, bo senola boholo ba Molimo. Ho a hlolla ho bona hore maprofeta a phethahetseng ho Jesu Krete a ne a entsoe lilemo-lemo pele Krete a hlaha.
    - 1) Boleng ba maprofeta ana bo a hlolla. A otlolehile ebile a ea nepa.
    - 2) Likarolo tsohle tsa oona li ea makatsa, ekasita le tse nyane.
  - c. Boprofeta bo shebane le morero oa Molimo oa topollo. Bo tsepame ho Mesia. Katamelo ena e bonts'a phethahalo ea ts'episo, le hore phetheho eo, e molemong oa batho bohle kajeno. Batho bohle ba hloka Mesia!



# Mosebetsi Oa Boevangeli

## B. Litemana tse bonts'ang hore Mesia o se a tile.

### Ntlha ea Puisano

Lethathamo lena ke la maprofeta a bohlokoa a seng a phethehile. Ithute mangolo ana o shebe hore na a ka sebelisoa joang boevangeling. Pheta mosebetsi o ts'oanang le oa pejana oo re ileng ra o etsa. Tichere e ka etsisa ea sa lumelang, 'me baithuti ba ka sebelisa maprofeta ho evangela.

1. Boprofeta: Mesia o tla hlaha lelokong la Juda (Gen 49:10 Luka 3:33).
2. Boprofeta: Mesia e tla ba setloholo sa Davida (Esa 9:6,7, Luka 1:32,33).
3. Boprofeta: Mesia o tla emoloa ke moroetsana (Esa 7:14, Luka 1:26-30).
4. Boprofeta: Mesia o tla hlahela Betlelehema (Mikiea 5:2, Math 2:1-6).
5. Boprofeta: Mesia o na tlo shoela libe tsa rona (Esa 53:8; 2Bakr 5:21).
6. Boprofeta: Mesia o tla thakhisoa (Lip 22:14-17; Luka 23:33).
7. Boprofeta: Mesia o tla tsoha (Lip 16:10; 1Bak 15:4).
8. Boprofeta: O tla lokisetsoa 'mila (Esa 40:3-5; Malak 4:5,6; Luka 3:3-6; 7:24,27; Math 11:13,14).
9. Boprofeta: Mesia o tla kena Jerusalema a kaletse tonki (Zakar 9:9; Mar 11:7,9,11).
10. Boprofeta: Mesia o tla ekoa ke motsoalle oa hae, ka baka feela la lichelete tsa selivera tse 30 (Lip 41:9; Zakar 11:12; Luka 22:47,48; Math 26:15).
11. Boprofeta: Masole a tla laola liaparo tsa hae ka lotho (Lip 22:17,18; Math 27:35,36).
12. Boprofeta: Mesia o tla hlajoa, a taboloe 'mele empa, masapo oohle a hae a ke ke a rojoe (Zakar 12:10; Lip 34:20; Johan 19:32-36; 20:27).

Notes

# Mosebetsi Oa Boevangeli

## Notes

### Lingoloa tse Qotsitsoeng

<sup>1</sup>"Taken from the book, Honest to God by Bill Hybels. Copyright c 1990 by Bill Hybels. Used by permission of Zondervan Publishing House."

<sup>2</sup>Avery Willis, Jr. MasterLife II: Discipleship Training for Leaders. Sunday School Board of the Southern Baptist Convention, 1980. Original hand concept belongs to Willis.

<sup>3</sup>Billy Graham, Steps to Peace with God. Minneapolis, Minn.: Billy Graham Evangelistic Association.

<sup>4</sup>Kevin Hinman, Personal Reflections on Evangelism. Virginia Beach, Virginia, 1994. This course was produced through a combined effort of K. Hinman, John Mannion, and Ramon Casey, with K. Hinman serving as the course editor. It is contributed for use in MOTMOT (2nd Edition) by permission.